

2/1

ცხოვერება

ორკვირული სამეცნიერო, სა-
ლიტერატურო და საპოლიტიკო
ურნალი.



შ ი ნ ა ა რ ს ი:

1. სახსოვარი, ლექსი, აკაკისა.
2. დევნილები, პოემა, თბილისი მუშისა.
3. „პრიგავარის დედელი“, შემდეგი, მელა-
ნიასი.
4. ზამთარი, ლექსი, ა. ხაბულიანისა.
5. მოლოზანი და მზე—ტაბუკი, . დ.
თურდოსპირელისა.
6. მზის მოლოცვა, ლექსი, თბილისი მწყემ-
სისა.
7. შემოდგომა, ლექსი, ილ. გოგიასი.
8. ჩემი ჯორი, მოგონება, რ. საჯავახოე-
ლისა.
9. ბარათი, ლექსი, კ. მიმქრალისა.
10. ბოლა—იმედი, ლექსი გ. ლაღაშვი-
ლისა.
11. ილია ლუკას ძე ბანტაძე (ილ. ხონე-
ლი), მისი ცხოვრება და მოღვაწეობა,
ლ. ბანტაძისა.
12. განშორება, ლექსი, სანდრო მეგრელი-
სა.
13. აკაკის გარდაცვალების წლის თავზე.
14. ელისაბედ ჰერცეზიშვილის ასული.
15. სულით ავანტიურა, მკურნალის
ს. დადუნაშვილისა.
16. რედაქციისგან.
17. მოგზაურობა რაკა—ლეჩხუმში შემდე-
გი, აბხერისა.
18. საისტორიო ცნობა პეტრე მირიანი-
შვილისა.
19. სახელმწიფო დემა.

15 თებერვალი 1916 წ.

ქ უ თ ა ი ს ი

სტამბა „მობა“ ქარვასლის ქ., სახლი ჩარეკოვისა.

მიიღება ხელის მოწერა 1916 წლ.

სალიტერატურო, საპოლიტიკო და სამეცნიერო ჟურნალ

„სსოპრმზა“-ში,

რომელიც გამოვა ორ კვირაში ერთხელ რომანოზ სპ. ფანცხავა რედაქტორობით.

ჟურნალში საუკეთესო სალიტერატურო ძალები ითანამშრომლ ებენ წლიურათ ჟურნალი ეღირება 5 მ., ნახევარი წლით 3 მ., სამი თვით 1 მ. და 10 შ., თვიურათ 10 შაური.

წლიურ ხელის მომწერლებს ფულის გადახდა ნაწილ-ნაწილათაც შეუძლიათ.

ხელის მოწერის დროს 3 მ., პირველ აპრილს 1 მ. და პირველ ივნისს 1 მ. ქუთაისში ხელის მოწერა და ნუმრების ყიდვა შეიძლება მხოლოდ თომა მთავრიშვილის წიგნის მაღაზიაში, ჭიათურაში—პლატონ კილასონიასთან, სამტრედიისში—მინა კობალეიშვილთან, ფოთში—კოწია გამყრელიძესთან, ბათუმში—„განთიადის“ კანტორაში და ბაქოში—მეთოდე კაკაბაძესთან.

ფული უნდა გამოიგზავნოს ამ მისამართით: Кутаисъ. Роману Спиридоновичу Панцхава.

ორგანიზაციული საბოლოო, სალიტერატურო და სამეცნიერო ჟურნალი.

ს ა ხ ს ო ვ ა რ ი. *)

(ილ. ხონელს.)

ნიჭი უებრო, სწავლის მოყვრობით
დაგვირგვინებულ, დამთავრებულ
შესწირა მოძმეთ, თვით მე ვარ მოწმეთ,
თან ჩაატანა სული და გული!..

ამ ცრუ სოფელმა, დაუნდობელმა,
არ დააცალა მშრომელსა შრომა...
ვინც იყო ყველას მოპირდაპირე
და არ უყვარდა ქვეშ-ქვეშათ ძრომა!

მარა მის შრომას და მის გულის თქმას
ვერ გააქარწყლებს საფლავი ბნელი!..
მის მახვილ-კალამს ვერრა დამალავს,
გარს ემოსება სხივთა ნათელი!..

თანა მეკალმე, გეთხოვები მე,
აქ განისვენებ და არ ხარ მკვდარი!..
ის არ მოკვდება, ვისაც სამშობლო
იგონებს ხოლმე, ვით მეგობარი!..

აკაკი

დაწერილია 15 წიფობისთვის, 1907 წელს.

*) ეს ლექსი აქ ახლა პირველათ ისტამბება. ჯერ არსად ყოფილა იგი დაბეჭდილი. რედაქტორის თხოვნით, ეს ლექსი დასაბეჭდათ რედაქციის გამოუგზავნა პატოცემულმა სერგეი ლუკასძე ბახტაძემ, რომელსაც ამისთვის დიდ მადლობას მოგახსენებთ.

რედ.

დ ე ვ ნ ი ლ ე ბ ი.

პოემა.

„ცუდათ ხო მაინც არ ჩაივლის
ეს განწირული სულის კვეთება,
და გზა უვალი, შენგან თელილი,
მერანო ჩემო, მაინც დარჩება!
და ჩემს შემდგომათ მოძმეებს ჩემსა
სიძნელე გზისა გაუადვილდეს,
და შეუპოვრათ მას ჰუნე თვისი
შავის ბედის წინ გამოუქროლდეს!“

ნ. ბარათაშვილი.

შ მ ს ა მ ა ლ ი.

ხსნა-შეგების დროშა სხივ — მფენი
ქარმა შორს წააფრიალა,
მაშერალთ მიდამო შეგებული
კვლავ შექრა, შეაწრილა.
ტყბილი ოცნების სამეფო
სევდის ზღვამ გამიტილა!..

ცხოვრების ტალღამ გამოიყა,
დამიხშო წინსვლის კარები,
ლამობს წალკოს ბილიკი,
სისხლის ღვრით გამონარები...
საკნის შავ კედლებს შევეყურებ
ტყვეობით განამწარები:
ეჰ, თუ აქ მოკვდევ ობოლი —
შავ ფარდას მივეფარები!

სვავი საწიწკნათ მოილტვის,
ვეონივარ ლეშათ ქცეული;
ყორანი შავთ დამჩხავის,
სევდის შხამს მაფრქვევს წყეული;
სულს ცეცხლს უკიდებს, ცრემლები,
სატრფოს დაწვებზე მსხვრეული!..

ჰა, კვლავ ზუზუნებს ქარ-ბუქი...
მაინც არ ვლრკები ეული!
კაეშნის ბუდეს ფერფლათ ხდის
იმედის სხივი გძნეული!

ფუ, იმ მეძძოლსა, ვინც იქნა
ლაჩრულათ უკუ—ქცეული!
მე—კი ვერ დამძლევს ქვემძრომთა
ლაშქარი შემოსეული!

და, ჰა, ხელთ ვიღებ კალამსა —
დევნილებს მივესალმები!
დრო მოვა, კვლავ მოიქარგვის
მზის სხივითჩვენი აღმები,
კვლავ გაიშლება წარმტაცათ
სისხლის ზვირთებში ნაფლები!

მსურს, რო შევაქო შალიკო
მედგარი, შეუპოვარი,
შევაქო მუშა გიორგი
მეძძოლი სწორუპოვარი;
შევაქო ტურფა ვარდიკო
საცნობი და სახსოვარი,
გულით სპეტაკი, ვით ფიფქი,
მთის თხემზე დანათოვარი!

თავი პირველი.

I

ერთ დროს მდიდარ მემამულეთ
ითვლებოდა ელიზბარი,
მაშა—ჰაპის დანატოვი
ქონდა ბალი დაუმკნარი.
შიგ ცხვრობდა უდარდელათ,
არ დაქროდა სევდის ქარი;
სალხენათ და საჭეფოთ
ღია ქონდა მართ კარი.
ვინც—კი კარგათ მოილხენდა—
იყო მისი მეგობარი,
და, რა დღესაც ქეიფობდა,
იმ დღეს იყო მისი დარი...
თან უყვარდა ნადირობა,
იყო ფრიად გულ—მაგარი,
ყავდა ცხენი სასახელო,
ყავდა ბევრი მეძებარი...
მარა მალე მის მამულსა
დაეხვია ვალის ქსელი;
შეუმცირდა მოსავალი,
დრო დაუდგა მეტათ ძნელი.
უსაქმობას დაჩვეული
არ—რას ქმნიდა მისი ხელი,

მამული—კი ვალს მიქონდა,
მისდევდა რა წელსა წელი...

მას შეუღლე გულ—კეთილი
ძლიერ ადრე გარდევალა:
პირველსავე შეილოსნობას
თან გადაყვა, ენაცვალა...
ხოლო ბავში პაწა—შალვა,
როგორც ვარდი გაიშალა,—
ბებიასთან იზდებოდა
თმა—ხუჭუქა და შავ—თვალა.

II.

შალვა მეტათ ცელქი იყო,
მხიარული, პირ—მდიმარი;
ერთ ალავს არ დადგებოდა,
დაქროდა, ვით ნიაფ—ქარი...
ხან მღეროდა—და მისი ხმა
წყრიალებდა, როგორც ქნარი;
ხან ბავშვებში თამაშობდა,
კისკასებდა გულ—დამტკბარი...

მხოლოთ მაშინ იყო წყნარათ,
ფთებსა შლიდა მისი სული,
როს ისმენდა ბებიასგან
უცხო ზღაპრებს განაბული,
როცა საშიშ ამბებითა
ცახცახებდა ნორჩი გული,
როცა ღზაპრულ ქვეყნის ველზე
ნაფარდობდა ფთებ-შესხმული.—

ერთხელ, იგი განაგძობდა:
„...ზღვის პირს დასვეს ის ასული,
გადმოსჩქეფდა გულ—მწუხარეს
ცხარე ცრემლის ნაკადული.
შორს მოჩანდა გველეშაპი
საზარლათ პირ დაღებული;
ზოაზენით მისკენ მოსცურავდა,
არ ჩქარობდა ღვთისგან კრული...
ამ დროს გმირი თავის რაშით
ჩამოქროლდა, ვით შურდული,
შეეომა გველეშაპსა,
იხსნა ქალი განწირული...
—ბები, ბები, გამიგონე,
როცა დიდი გავიზდები,
მეც ვიშოვი თოფსა და ხმალს,
ჩაგრულთ დახსნას მეც ვეცდები!

— კი, გენაცვა, კი, მალხაზო!
ტანჯულთ მხსნელი შენც იქნები,
შენც, ვით გმირი, მართლის მჩაგვრელს
თავზე მეხათ დაატყდები!..

III.

ეჭა, კაცის სიყმაწვილევ,
სანთელივით, რომ ენთები!
რა სათნო ხარ, რა კეთილი,
მარა, როგორ მალე ქრები!
როგორც სხივი, მკაცრ ცხოვრების
მღელვარ ზღვაში დაინთქები!
მიწის შვილი ბუნებისგან
გულ — კეთილათ იბადება,
თან დაყვება ღვთაებრივი
ნაზი სული, როცა ჩდება;
მარა, შემდეგ, ბნელ ცხოვრების
სიბოროტით ბოროტდება!

კაცი უნდა გმირი იყოს,
რო ბნელ ყოფნას არ ემონოს,
გულში სხივი მომავლისა,
ვით ისარი, გაეწონოს;
მისკენ ვლიდეს შეუღრეკლათ,
მას შესწიროს, რაც ეშონოს,
ღ, თუ მოთხოვს-თვითც ესხვერბლოს,
წუთიც — კი არ დააყოვნოს!

IV.

შალვა, სანამ ბებიასთან
ცხოვრობდა და იზდებოდა,
ღედობრივი ტფობის ქსელში
ყვავილივით იშლებოდა...
დრო მიქროდა... შევნიდებოდა
და ძალ — ღონით იესებოდა,
და მის ყრმობის ტურფა ვარდსა
სევდა ჯერ არ შეხებოდა.
მარა, როცა გარდევალა
მას ბებია საყვარელი,
არცინ ყავდა ობლათ, შთენილს,
მისებ მარათ შევების მგვრელი.
მაშინ მისმა ნორჩმა გულმა
იგძნო სევდა, სევდა მწველი, —
აკრთობდა და აცვიფრებდა

მას ცხოვრების ფართე ველი...
და ყრმის პირველ ფიქრთ მორევი
ყოფნის ზღვაში ინთქებოდა!

ელიზბარს — კი თვის მამული,
თუმც ხელიდან ეცლებოდა,
მარა მაინც ქეიფობას
იგი აღარ ეშვებოდა;
ხან აქ იყო და ხან იქა,
სახლში ძვირათ ბრუნდებოდა...
დაობლივულ შალვასთვის — კი,
აბა, სად — ღა ეცლებოდა!

V.

და ერთ დილას, როს მიდამო
მოექარგა ოქროს სხივებს,
მდელოს მკერდზე ცელქი სიო
ათრობლებდა ნამის მძივებს;
როს ვარდისფერ მარმამ — ქსელებს
მზე აფენდა მათა მწკრივებს,
თითქო ხვევდა თფილ აღერსში
ღამის სუნთქვით განაცვივებს, —
ელიზბარმა თვისი შალვა
შორს, ქალაქში წაიყვანა,
იქ შალვასთვის ერთ ოჯახში
მას ოსტატი აყვანა.

მიდიოდა დაღვრემილი...
რალაცაზე ხან გმინავდა...
ხოლო შალვა ოცნების ფთით
საღაც შორს, შორს მიფრინავდა...
თუმც მის გულსა ნაღველს გვრიდა
იმ მიდამოს დატოვება,
საღაც იშვა, საღაც იგძნო
სიყმაწვილის სიტკბობება;
მარა მაინც უცხო ქვეყნის
ტკბილ სიტურფე იზიდავდა,
ღალ ოცნებით მოხიბლული
მიფრინავდა... მიფრინავდა...

VI

ეჭ, ვინ პოვა ჯერ ამ სოფლათ
ოცნებით ქმნილ ქვეყნის არე.
სინამდვილის სისასტიკით
ვინ არ იგძნო სევდა მწარე,
რო შალვას ის ტურფა მხარე,

ოცნებაში მოელვარე
 არ დაენთქა ცხოვრების ზღვას,
 არ ეღვარა ცრემლი ცხარე?...
 როცა იგი შორდებოდა
 მშობელ ქვეყნის ნაცნობ არეს,
 სხვა ქვეყანას უხატავდა
 ლალი ფიქრი გულ-მღელვარეს,
 აქ-კი მსგავსი ვერ-რა ჰოვა...
 თლად დაობლდა მისი გული;
 ისე გძნობდა, ისე თავსა,
 ვით ყველასგან განწირული.
 ბევრი სევდით სავსე ღამე
 ცრემლის ფრქვევით გაატარა;
 სანატრ ყრმობის ცის კამარა
 სევდის ღრუბლით დაიფარა...
 და თან-და-თან შეეჩვია
 გული ფიქრებს კაემნიანს:
 თვის თავს, ისე უყურებდა,
 როგორც ობოლს შავ-ბედიანს...

მას პირველათ მასწავლებლის
 ალერსი-კი აშინებდა,
 შეუჩვეველ უცხო ხმებზე
 გული თრთოდა, ცახცახებდა;
 მარა მალე მასწავლებლის
 მოფერება-დარიგებით
 შეეჩვია შალვა სწავლას,
 უსმენდა გულ-მოღვინებით...

დრო მიქროდა... და შალიკო
 მასწავლებელს აცვიფრებდა,
 სასწავლ საგნებს ნიჭიერი
 სულ ადვილათ ითვისებდა.
 ის სწავლის დროს თითქო თავის
 ობლობასაც ივიწყებდა,
 გაკვეთილის შეთვისება
 სახეს ღიმიით უბწყინებდა...
 და სკოლაში შესასვლელათ
 მოემზადა იგი, როცა
 და ოსტატმა კმაყოფილმა
 გზა მშვიდობით დაულოცა,
 მაშინ თითქო სიხარულით
 გულში სევდა ამოხოცა,
 გვამოცდის დროს ოსტატების
 თქლი კრება გააოცა.

გამოვიდა გაბედულათ,
 არ შემკრთალა არც ერთხელა,
 სახე მბწყინავს, თმა-ხუტუქას
 შეცქეროდა ტრფობით ყველა.
 მხოლოთ მაშინ შეკრთა ოღნავ,
 როს მოხუცმა ჩაახველა,
 გადაუსვა თავზე ხელი,
 უთხრა: „ ბიჭო, ბარაქელა!“

და, მას შემდეგ, პირველობდა
 მოწაფებში ჩვენი შალვა;
 ამხანაგებს დიდს, თუ პაწას
 ქონდათ მისი დიდი კრძალვა.
 რაკი თითონ გაკვეთილსა
 შეისმენდა, შეიგნებდა,
 შემდეგ თავის ამხანაგებს
 შეცდომებს ის უსწორებდა...
 აი, ასე დრო მიქროდა...
 შალვაც ქალაქს ეჩვეოდა,
 ისე მწვავეთ მის გულს სევდა
 ქსელათ აღარ ეხვეოდა,
 ისე ხშირათ იმის თვალთგან
 ცრემლიც აღარ იფრქვეოდა,
 ისე ხშირათ შავ — ბნელ ფიქრებს
 გულით აღარ ეძლოდა.

ბევრი ყავდა მოწაფებში
 მეგობრები გულ-კეთილი, —
 ხან აქ იყვენ და ხან იქა,
 ნავარდობდნ ფთებ-გაშლილი...
 მისმა ცელქმა მეგობრებმა
 არ იცოდნ დაღონება,
 სულ გასართობს ღაფებდა
 მათი ფიქრი და გონება...
 და შალიკოც მეგობრებში
 ეძლოდა გულით შვებას,
 ეძლოდა სიხარულსა
 და ყმაწვილურ გატაცებას...

მარა ხან-კი, რალაც სევდა
 მის გულში ღრმათ ჩამარხული
 აღიძვროდა... აწვებოდა
 თვალებს ცრემლის ნაკადული.
 მაშინ იგი გულის კენესით
 გაურბოდა მეგობრებსა,
 გაურბოდა მღელვარ ქალაქს,

გაუბრბოდა კაცთა ხმებსა;
 ხან უმიზნოთ ტყის სიღრმეში
 მარტოთ, ობლათ დადიოდა,
 ტყის ფოთოლთა ნაზი ჟღერა
 სევდის ნანას უმღეროდა;
 ხან თვალუწვდენ მწვანე ველით
 სადღაც შორს, შორს მიიღტვოდა,
 თითქო ობოლს მოუთმენლათ
 დედა-მისი მიელოდა;
 ხან მთის ფერღზე წამოწოლით
 ღრუბელთ გროვას ვასცქეროდა,
 მთების ზემოთ, ცისკიდურზე
 სხივებში რომ ირევოდა,
 და თვალ წარმტაც მოციმიციმე
 თეთრ კოშკებათ შენდებოდა,
 შემდეგ, ისევ სხივთ ნაკადში
 დნებოდა და ირღვეოდა;
 და ხან ქალაქს დაყურებდა,
 სევდით გული ელოვოდა,
 ვით ცხოვრების დიდი მცოდნე,
 აი, ამ ფიქრს ეძლეოდა:
 „— თუმცა ჯერ მე ყმაწვილი ვარ,
 ბევრი არ-რა გამეგება,
 მარა მაინც გულს მიკოდავს
 შავად შლილი ეს ცხოვრება...
 ამ ბობოქარ დიდ ქალაქში
 კაცი ძვირათ იპოვება.
 რომ იმის გულს აწუხებდეს
 სხვისა კვნესა, გაქვივრება.
 ყველას მხოლოთ თავი ახსოვს,
 დღე და ღამე მისთვის ზრუნავს...
 სხვის ჩაგვრაზე, მონობაზე
 წუთისოფლის ჩარხი ბრუნავს!...
 ერთი შრომობს, ოფლში ცურავს,
 მეორე-კი ტკბილათ ხვრინავს...
 ტყავს აძრობენ ბედ-შავ მშრომელს,
 მარა მაინც ითმენს... სძინავს...
 ბევრჯელ ვნახე ბნელ ქუჩებში
 თავის თავსა ყიდდა ქალი,
 მას ხითხითით უგძნობელი
 ეხვეოდა მას ბრბო მთვრალი...
 ბევრჯელ ვნახე მათხოვარი, —
 ოხ, ნეტავი, არ მენახა!—

მას დაცინვით უყურებდენ,
 იძახოდენ: „აი, გლახა!..“
 ის — კი სევდით შეცქეროდა
 მოსეირნე დიდ ბატონებს. —
 ოხ, იმის ხმა, იმის თვალნი
 სულს მიღლევეს, გულს მიღონებს! —
 „შემიბრალე, შემიწყალე!“
 ნაღვლიანი ხმით ამბობდა...
 მარა ქვა გულს მისი ხვეწნა,
 აბა, როგორ დაალობდა!..“
 აი, ასე ჩვენი შალვა
 ეძლეოდა ფიქრებს მწარეს,
 ოცნებობდა, სანამდი მზე
 არ აკრეფდა სხივებს არეს.
 შემდეგ, სახლში ბრუნდებოდა,
 თვის ოთახში ისვენებდა...
 მარა სულით ისევ მაინც
 ალთქმის მხარეს დაეძებდა...

VII

ჩვიდმეტი წლის იყო შალვა,
 როცა მამაც გარდევალა;
 მწარ ობლობამ ერთხელ კიდევ
 აგძნობია თვისი ძალა...
 ბავშობისას, თუმცა ძლიერ,
 არ უყვარდა ელიზბარი,
 მარა ახლა, როცა იგძნო
 მარტოობა შესაზარი,
 როცა მთელსა ქვეყანაზე
 მისთვის არეინ არ ზრუნავდა,
 როცა მისი გაქვივრება
 არავის გულს არ დასწვავდა, —
 მოაგონდა მამა-მისი,
 ერთხელ მწარეთ რო გმინავდა,
 თავის შეილის დაშორება
 აღონებდა, გულს უკლავდა,
 მოაგონდა... და თვალთავან
 გადმოსჩქეფდა ცრემლი ცხარე,
 წუხდა მამის დაკარგვასა
 და კვნესოდა გულ-მწუხარე...
 ახლა იმას არ ახსოვდა
 მამა-მისის ცუდი მხარე,
 ახლა შვილი მამას გლოვდა,
 მამას გლოვდა გულ-მთრთოლვარე...

მალე სოფლათ გაემგზავრა,
ინახულა თვისი მხარე,
ინახულა ნათესავთა
სასაფლაო და სამარე...
დედის გვირდით ახალ საფლავს
დააშტერა სევდით თვალი...
ობოლს ნორჩ გულს უსერავდა
ტანჯვის ცეცხლის ნაპერწკალი...

VIII

ობ, მწარეა, მწარე ყრმისა
შავ სიკვდილზე დაფიქრება!
ძნელი არი, როს პირველათ
გულში ფიქრი იბადება,
რომ ოდესმე ისიც, ისიც
ბნელ-წყვდიადში დაინთქება!
რომ ოდესმე ცივ საფლავში
მასაც მლილი დაეხვევა...
მეგობართა ცხარე კრემლი
უნუგეშოთ დაეფრქვევა...

IX

გულის კენესით განეშორა
შალვა საფლავს მშობლებისას...
მოიარა... მიმოავლო
სევდით თვალი მამულის თვისას...
ბევრი არ-რა დარჩენოდა,
და ისიც-კი ვალს მიქონდა,
მარა შალვას მისი ჯავრი
ისე დიდი არც-კი ქონდა.
თავის გულში გაიფიქრა—
სწავლისათვის მეყოფაო,
და, შემდეგ-კი, ცხოვრების გზას
ჩემი შრომით გავკაფაო...
და ამ ფიქრით ჩვენი შალვა
ქალაქისკენ გაეშურა,—
გადაწყვიტა სწავლისათვის
ძალ-ღონე არ დაეშურა...
სკოლაში ხო მასწავლებლებს
აცვიფრებდა, პირველობდა,
სახლში კიდევ სხვადა სხვა წიგნს
დღე და ღამე კითხულობდა...
და თან-და-თან მის გონებას
სხვა ქვეყანა ეშლებოდა;

გულში ძალა, სასოება
ფთებსა შლიდა, იზდებოდა...

X

აი, ამ დროს ბძოლის ცეცხლი
აბობოქრდა ხალხის გულში;
ბნელი ძალა აცახცახდა,
მიიმალა ბნელ ჯურღმულში...
გაიღვიძა შრომის შეიღმა,
იწყო რკინის ხუნდის მტვრევა...
აბობოქრდა ცხოვრების ზღვა,
ზღუდეებმა იწყეს რღვევა...
გამოფხიზლდნ დაჩაგრულნი,
არ იხრება მათი ქელი,
თქვეს: „თვით უნდა გამოვქედოთ
ჩვენი ხსნა და ჩვენი ბედი!“

შალიკომაც თავისი ხმა
ბძოლის კიყინს შეუერთა,
ხალხისათვის თავ დადება
თავის გულში გააღმერთა.
და გულ-წრფელსა მეგობარსა
გადუშალა ხალხმა გული,
დანახვა თვისი წყლული,
აგძნობინა, თუ რამდენი
იქ ვაება დამარხულა,
თუ რამდენჯერ უსამართლოთ
დასერილა, დაშხამულა...
და გაბედვით შეებძოლა
შალვა ხალხის შავ-ბნელ მტრებსა...
ბძოლის ველზე ეცნობოდა
ხალხის გულ წრფელ მეგობრებსა.
ერთი იყო მათი ნატვრა—
მისთვის ძვერდა მათი გული:
„ხალხის ხსნა და ხალხის შეება;
ერთობა და სიყვარული“...
და მათ მხნე გულს ვერ აკრთობდა
ვერც ტყვია, ვერც მათრახები,
ვერც შავ-ბნელი საპყრობილე,
და ვერც მისი დარაჯები.
შეუდრეკლათ მიარღვედნ
ხალხთან ერთად ბნელ-წყვდიადსა...
შეხაროდნ ნათელ ცისკარს,
შეხაროდნ განთიადსა...

XII

მარა, აბა, კლავ იმარჯვებს
უკუნეთი შავათ-შლილი:
კვლავ შავ ღრუბლით დაიფარა
განთიადი სხივ-მოსილი;
კვლავ ხითხითებს ბნელი ძალა
განთიადით ვარ-ყოფილი;
ჰა, კვლავ კენესის შრომის შვილი,
რკინის ხუნდით შებოარკილი!..
და მებძოლოთა სისხლ-ნაკადით
დედა-მიწა უხვათ ირწყვის...
დროშა ძმობის, სიმართლისა
უკუ-რღვევის ცეცხლში იწვის!..
გლეხის ქოხი, კარ-მიდამო
ცეცხლის აღში გაეხვია...
სხვერპლთა გვამებს მძოლის ველზე
ყვავ-ყორანი დაეხვია...

გარს ევლება ქვემძრომთ ჯარი...
ფთებს შლის ველათ, დაქრის, დაქრის
გულ-საკლავათ სევდის ქარი...
ეჰ, ვინ იცის, რამდენ დედას
გაუგმირეს სატრფო ტკბილი!
ეჰ, ვინ იცის... მარა კმარა!
გულს მიღონებს მოგონება!..
კვლავ შალიკოს ამბავი ვსცნათ—
რას აკეთებს? რასა შერება?!

XII

იმ დღეებში, ბნელ დღეებში
ბევრჯელ იყო განსაცდელში;
ბევრჯელ სწაღდა შავ-ბნელ ძალას
გაეხვია თავის ქსელში,
ჩაეკეტა ბნელ საკანში,
იქ დაექკნო მისი ყრმობა,
ვით ბელზებელს, ტლანქის ძალით
აღმოეფხვრა გულში გძნობა.
ბევრჯელ ჩუმათ ხალხის მტრებმა
გაუთხარეს მას უფსკრული,
სურდათ იგი რომ ენახათ
სამარადოთ დამარხული.
მარა მაინც ვერ დასძლიეს,
ვერ შეაკრთეს შალვას გული,—
კვლავ განთიადს შეხაროდა,
მას ეტრფოდა მისი სული.

ბევრი მისი მეგობარი,
დეენილებათ წოდებული
ბძოლის ვეღზე დაიმარხა
მტერთა ტყვიით განგმირული...
და შალიკოს ბევრჯელ ჩუმათ
დაუღვრია ცრემლი ცხარე,
ბევრჯელ ტანჯვის ცეცხლით სწვავედა
მის გულს ფიქრი, ფიქრი მწარე...
მარა მაინც არ უარყო
გზა, ნარ-ეკლით მოფენილი,
და გმირულათ გადაწყვიტა:
„ან სიცოცხლე, ან სიკვდილი!“

ობოლი მუშა.

(შემდეგი იქნება)

“პრიზავერის ღმდელი.“*)

(შემდეგი.)

VII

— აბა, რო არ გესმის, რასაც ჰლაპარაკობ, უთხრა ერთხელ, ძლიერ წყენის კილოზე, ცოლის ძმამ—დიდი რამა გგონია შენ შენი პური და ღვინო და ორიოდღე ჯანდაგი საქონელი! განა ცხოვრება მარტო იმაში მდგომარეობს, რო თავზე საყრელი პური და ღვინო გქონდეს, გაძძღე, მიჰსწვე და მიიძინო?—ემაგ. რე ჩო პირუტყვებიც ცხოვრობენ! და, აბა, რით გაირჩევა თქვენი ცხოვრება პირუტყვებისგან? კაცმა სანთელზე პური არა ჰამოს, თვეში ერთხელ მაინც სწორ ამხანაგთან დროება არ გაატაროს; მთელი წლობით ცალიერი პურით იყოროს მუცელი, ან მარტო ნივრითა და ხახვით იყროლოს პირი; მთელ თავის სიცოცხლეში დაფა-ზურნის ხმა ვერ გაიგონოს,—ამისთანა ცხოვრებას—ცხოვრებას ვეტყვი? ნემსზე ძაფის აგებას რო სასაცილოთ იგდებ, მე სწორეთ ამ ნემსს (ამოიღებს სანემსედან და აჩვენებს) შეაყურებ! კვირის კვირობამდი ვემუშაობ; ხანდისხან იქნება, დრო შეჰხვთება, პურის ფულიც ვერ ავიღო! მაგრამ, რასაც მე სწორ ამხანაგებთან ერთ დროებას ვავატარებ შა-

*)იხ., „ცხოვრება“, №2.

რმანკით, ან დაფა-ზურნით, მთელ შენ სარჩო-საბადებელზე არ გავცვლი ამას! აბა, ჩამოდი ქალაქში, როგორი ბამბასავით თეთრი და ბუმბულივით რბილი პური გაქამო და ლალივით წითელი ღვინო გასვა! თანაც ისეთი გემრიელი საქმელები მოგიტანო, რო მარტო იმათმა სუნმა გაგაძლოს!

—მე ი შენ ნაყიდ თეთრსა და რბილ პურს, გემრიელ საქმელებს და ლალივით ღვინოს, ჩემი მოყვანილი გულდაფშუტიანი და გამხმარი პური, ჩემი ღვინოსის დათესილი მწარე ნიორი და ჩემივე მოყვანილი ქყაპურტა ღვინო მიჩვენია.

—ჰო და, აბა, რო არ გესმის ცხოვრების გემოვნება, მეტს რას იტყვი?

ბევრჯერ ჩამოვარდება ხოლმე სიძე-კოლიძეში ამ გვარი ლაპარაკი და მიხაც თან დათან მარცხდებოდა, ბოლოს, კიდევაც დათან-ნხმდა და შაქრუა წაიყვანა ბიძამ ქალაქში, რომ ესწავლებია ხელობაცა და „განათლებული ცხოვრებაც“.

შაქრო ბიძამ მიიყვანა შევირდათ იმ სამკერვალოში, სადაც თვით ქარგლათ იყო; ხოლო საცხოვრებლათ თავისთანა ყვანდა. შაქროს ძლიერ ედარდებოდა პირველ ხანებში. მისი სული და გული ყოველ წაშს მიფრინავდენ სოფლისკენ, მხოლოთ სხეული არ მისდევდათ მათ.

შეუდგენ მის წრთენას (ბეჭებში ჯოხების ტყაპუნს) და უფრო გაუტკბილდა და გაუძვირფასდა ის ადგილი, სადაც აქამდის უდარდელათა და უტანჯველათ რბოდა. ფიქრითა და გონებით იგი სულ თავის ხბოებთან იყო, თუ დაინახავდა სადმე მწვანე ბალახს, მიიპარებოდა ჩუმათ, გამოგლეჯდა და იტყოდა: „ეს ჩემ ნიშა ხბოს უნდა შაუნახოვო“. ამისთანა სიზმრებს ხო ხშირათ ხედავდა: ვითომც მოსულიყო ისევ სოფელში, გაერეკნა ხბოები საძოვარზე. აი, დაერივათ ხბოებს ბუტული; აი-შვირეს კუდები და ეცენ ზოგი აქით, ზოგი იქით. გამოუდგა შაქრო მათ მოსაგროვებლათ, მარა ვერც-კი მოასწრო შეგროვება მათი, რო შახტა, გამოეღვიძა და შეაქყიტა თვალები ნესტიანი სარდაფის კედლებს.

ხშირათ დაუდგრია შაქროს ცხარე ცრემლები და გათენებამდი თვალი არ მოუხუტავს, როცა შეუდარებია სოფლათ გავლილი ცხოვრება აწინდელ ცხოვრებისთვის—თვისი ჯოხების სიმწვავით. ერთხელ, გაქცევაც დააპირა სოფელში. ნახა შემთხვევით ნაცნობი სოფლელები, რომელთაც ურმები ჩამოეტანათ ქირაზე. არც-კი იყოყმანა შაქრომ, პირდაპირ დაედგენა სოფლელებს და გამოყვა შინ. მარა ბიძამ დროზე შეუტყო, გამოედგენა და დიდის ტირილითა და მწუხარებით დააბრუნა შვა გზიდან უკანვე. ამის შემდეგ, ბიძა უფრო სასტიკათ ეპყრობოდა, თვალს აღარ აშორებდა, რომ არ გაქცეოდა სოფელში.

შაქროს, ან შაქრუას „წრთენას“ ერთგულათ შეუდგენ ყველანი—როგორც ბიძა და ოსტატი, აგრეთვე სხვა ქარგლებიც. მარა ხელობის შესწავლაში წარმატება არ ეტყობოდა. ამის მიზეზათ, რასაკვირველია, ასახელებდენ მის სოფლურ ტეტიაობას. მართალია, შაქრუა მოსამსახურობას კარგათ ეწეოდა, მარა ოსტატი მაინც უკმაყოფილო იყო ხოლმე მაზე, რომ იგი ხელობითაც არ ასარგებლებდა მას და ყოველთვის საყვედურით ცხვირს უხვრიტავდა მის ბიძას—ეს რა გაუთლელი, ოგანო ვირი მამიგდე დუქანშიო. საყვედურის ასაცილებლათ, შაქრუა გამოიყვანა ბიძამ სამკერვალოდან და ალაფთან მიიყვანა, —იქნება იქ უფრო ივარგოსო.

გაიგო, თუ არა მამამ შაქროს სამკერვალოდან გამოყვანა, ისევ სოფელში დაიბარა. მარა ბიძამ ასე უთხრა შაქროს: „ჩემი ცოცხალის თავით არ გავიშვე? მამაშენთან; ძლიერ დაგხწივე მამაშენსაცა და სოფელსაც, რო ქვეყნიერობისა გაგეგო რამე და ეხლა ისევ სოფელში გავიშვებ!“

ალაფთან, თითქოს, უფრო ფხიტი გამოიჩინა შაქრომ; მხოლოთ ბოლო ვერ ვაატანა—ალაფიდანაც გამოვიდა. ახლაც დაიბარა მამამ სოფელში, მარა ახლა თვით შაქრუამ არ მოინდომა სოფელში დაბრუნება: რათგანც ქალაქი უკვე გაუტკბა მას. რამდენათაც უხვირო-

ბა და უგულისყურობა გამოიჩინა შაქრუამ ხელობის შესწავლაში, იმდენათ შეუსაბამო ნიჭითა და უნარით შემკობილი აღმოჩნდა იგი ბიძის ზნე-ჩვეულებათა შეთვისებაში: შარმანკახე ქუჩებში ფაიტონით სეირნობაში, ძმა-ბიჭებთან დროების გატარებაში დუქან-პადვლებში, თუ საროსკობო სახლებში და სხვა ამ ვეარ სასიქადულო მოქმედებებში, შაქრუამ თუ არ გადაჯარბა ბიძას, უკან არ ჩამორჩა. სწორეთ ძმა-ბიჭების რჩევა-დარიგებით დაანება თავი აღაფს და შეუდგა დამოუკიდებელ ვაჭრობა-მოქმედებას: დაიდგა თავზე თაბახი, ხოლო რო შესაძლებელი ყოფილიყო მისთვის დროების გატარებაში გაფლანგული თანხის ყოველთვის შესესება, ან ერთბაშით მოპოვება, იგი შეუდგა, ასე წოდებულ, „ხელსაყრელ“ საშვალეებათა შესწავლა-შეთვისებასაც: შეისწავლა ჯიბგროობა და ყომაარბაზობა.

შაქრუას ქალაქის გამოჩენილ ბიჭებში უკვე საპატიო ადგილი ეჭირა, როცა პირველათ ესტუმრა დედმამას სოფელში. ძლიერ გაუხარდათ დიდი ხნის უნახავი შვილის დანახვა. მარა სულითა და გულით -კი ვეღარ იცნეს ერთმანეთი შვილმა და მშობლებმა. ერთ კვირაში სრულიათ მობეზრდა შაქრუას სოფელში ყოფნა. წაეჩხუბა მამას, სცემა კიდევ, „თანხისთვის“ ფული წაართვა და გაუდგა ისევ თფილისის გზას. ამის შემდეგ-კი, მოდიოდა ხოლმე შაქრო სოფელში. მხოლოთ ყოველთვის ცემიტყვებით იძულებული მამა აძლევდა „თანხისთვის“ ფულებს და ისტუმრებდა ისევ თფილისში.

ბოლოს დროს, შაქრომ მოუხშირა სოფელში სიარულს „თანხის“ მოსაპოვებლათ. აღბათ, იმ მიზეზით, რომ უკანასკნელ ხანებში ვერ მისდიოდა საქმე სასურველათ: „ლილა ხანა გაუცვდა“ო, ამბობდენ მისი ძმა-ბიჭები. ვერც ერთი იმათგანი, ვინც ამ გულისაკლავ სიტყვებს მოურიდებლათ პირში აგონებდენ, ვერ წაუვილიდა შაქრუას წინ დროს გატარებაში, ან სხვა საქმეში. მხოლოთ უბედობა მისი იმაში მდგომარეობდა, რომ აღარც ერთი ხელობიდან აღარა ქონდა წინანდელი სარგებლობა. ვინ იცის, როგორ დატრიალდებოდა მისი

ცხოვრების ჩარხი, რომ მის ბედზე, ახალი მოძრაობა არ დაწყებულიყო.

როცა თფილისში აქა-იქა დაიწყო „ზაბასტოვკები“, შაქრუას გაუელვა თავში ფიქრმა: მოდი, წავალ სოფელში და მუშა ხალხს ზაბასტოვკობას ვასწავლი. ჰამ საწყალი ხალხი მადლობელი დამრჩება, ჰამაც მამიჩემის ჯავრს ამოვიყრი. ის მა... მამიჩემი რომ ამუშავებს მუქთად ხალხს და ჩემთვის კი გროშს არ იმეტებს, თუ არ მივამეყვე ლაზათიანად, მითომ რაო? მიუსიო ერთი ძაღლებივით ემუშა ხალხი! მაშინ წავიდეს და ირიკავოს“. ფიქრი და შესრულება ერთი იყო.

გაიგეს სოფელში, შაქრო მოსულათ და გაიძახოდენ: ---მიხას ზურგი აჭკავებია და შეილოც მოჰსვლიათ. ხოლო შაქრო ორი-სამი დღის შემდეგ, გამოვიდა სასოფლოზე და დაუწყო ზოგიერთ ახალგაზდა ბიჭებს „ზაბასტოვკახე“ და „ბოიკოტხე“ ლაპარაკი. ზოგს ჭკუაში მოსდინოდა მისი ახალი სწავლა, ზოგი-კი არ ეთანხმებოდა. „არა, თუ მე ოთხი აბაზისა და მანათის ნაცვლათ, რვა აბაზსა და ორ მანათს მოვითხოვ სამუშაოს პატრონისგან, ისიც ხო ჩემგან ორი მანათის მაგივრათ, კოდში ოთხ მანათს მომთხოვს და იქავე არ წავა? გიყი ხომ არ იქნება ქირნახულის პატრონი, რომ ძვირათ დაუჯდეს კოდი და იმან-კი ერთი ორათ იათათ გაყიდოს? მარტო სიავკაცე-ლა შეგვრჩება, სხვა-კი არაფერი!“ „არა, თუ ჩემი თავი უჭირს ვისმე და არ დავებმარები; მეც რო გამიჭირდება, არც მე დამებმარება სხვა: მაშინ, რაღა აღამიანობა და ცხოვრება იქნება ჩვენი?“ ასეთ პასუხებს აძლევდენ შაქრუას მისს ახალ სწავლა-განათლებახე. მომეტებული ნაწილი სოფლელებისა-კი დასცინოდა: „თავზე წნელი მოუჭირეთ, ჭკუა არ დაეფანტოს,“ —ო. ორიოდუ ჯერ კიდევ გატყობეს. ამის შემდეგ კი, ხელი აიღო სოფლელების სწავლა დარიგებაზე და დააპირა ისევ თფილისში დაბრუნება. მარა ამ დროს სოფელ გვერდულში ვაჩდენ ახალი მოძრაობის აგიტატორები, რომელთაც ხელი შეუშალეს შაქრუას განზრახვის შესრულებაში.

მელანია.

(შემდეგი იქნება.)

ზამთარი.

აცივდა ყველგან, თეთრი სუღარა
 მთების კალთებზე დადაფენია;
 გადინავარდა ქარმა მწვერვალზე,
 აბობოქრებით სოფელს დაგმინა.

მოწყდა ფოთოლი ხის მწვერვალიდან,
 აწ უსულდგმულო და ფერ მიხდილი;
 შეკრთა ყოველი, შევეკრთი უნებურ,
 თვალებმა იწყეს მწარეთ ქვითინი.

გულის სიღრმეში შორს ჩაწყდა სიმი...
 ან-კი რა იყო სასიხარულო...
 ყველგან ქვითინი, ისევე კენესა,
 დასასრულისა სადაა ბოლო!?..

ა. ხაბულიანი.

მოლოზანი და მზე — ჭაბუქი.

ძალიან მიყვარს ღამისა და დღის შეყრის წამი...
 ინნიბალი ჯერ არც კია აწეული, რო
 გავეშურები ხოლმე ქალაქ გარეთ, ავდივარ
 სერზე და იქიდან ვუყურებ ცოცხალ სურათს
 დღე ღამის ტრფილღებისას...

ღამეს ვადარებ ცხოვრებისგან განდგო-
 მილს მოლოზანს, რომელმაც არ აცის არც
 სივიჟმევე, არც სიცილი, არც სიტკობება
 ხორციელ ტრფობისა..

აი, ამ ღამე— მოლოზანს შეიყვარებს მზე
 —ჭაბუქი—განთიადი... შეიყვარებს მზე—ჭა-
 ბუქი და გაუზზავნის უსტარს შუქურ ვარსკე-
 ლაის ხელით..

რა სატრფიალო სიტყვები არა სწერია
 შიგა..

წაიკითხავს მას, თუ არა მოლოზანი,
 ათრთოლდება შიშისგან... ათრთოლდება იგი
 მთელი თვისი ქალწულებრივი ბუნებით და
 გაფითრდება... ტუჩის ფერი დაეკარგება..

განთიადს უფრო უცხოველდება მისდამი
 ტრფობა..

იგი უზშირებს წერილების წერას...
 მოლოზანს შიში ეუფლება...

მარა შიშთან რაღაც უჩვეული; გაურ-
 კვეველი გძნობებიც ელვიძება...

თან და თან იღუმალი ძაფები ებმება მის-
 სა და განთიადს შორის...

წუხს, როდესაც შუქურა დაუგვიანებს
 უსტარს. მარა საკმარისია გამოჩინდეს შუქურა,
 რო მოლოზანმა შუბლი შეიკრას... თავი
 მოიკატუნოს... ეს ხო ქალების ნაცადი ხერ-
 ხია... უბადლო იარაღია მამაკაცებთან ფიცხელ
 ბძოლაში...

აი, მთიებიც სახლა მზე—ჭაბუქმა...

აი, თვითაც ამოიხედა მთის მწვერვალი-
 დან...

—ნუ, ნუ თრთი, გენაცვალე!.. ერთხელ,
 მხოლოდ ერთხელ მინდა შემოგხედო...

ვიშ, რა მომხიბლავი, რა წარმტაცი რა-
 მა ყოფილხარ...

ძვირფასო, ძვირფასო, წამოდი ჩემთან...
 წამოდი ჩემ სხივოსან ბურჯზე...

იქიდან გადმოგხედოთ ტურფა ბუნებას...
 ნათელი სხივები ავაჩახჩახოთ გარემო..

წამოდი ჩემთან და შენ შეიქნები ქვეყნის თვა-
 ლი... ყველა შენ დაგიწყებს ქებათა-ქებას...
 ფთოსანნი, მგოსანნი, ქოსნი და მუტრიბნი-ყვე-
 ლანი ერთხმად მოგიძღვნიან უიღუმალეს
 პანგების კონას...

ნუ, ნუ ნანოფ, გენაცვალე... ნუ...

რა არის აღთქმა... მოლოზნათ აღკვეცა...

ვით შეიძლება აქ, ამ წყვილადში, ლოცვა
 - ღღაღი... წამოდი ჩემთან... წამოდი ბურჯ-
 ზე, .. ღმერთი იქ არი, სადაც შრიალებს ტურ-
 ფა წალკოტი.. სად კისკასობენ ნაკად—წყა-
 რონი... სად ხმა—ტკბილობენ ჩიორები..

ეს თალხი რაღაა?!

რომ არ გიხდება.

გადაიძრე... განიხარცვე ეგ სამოსელი...
 მე ჩემს სხივოსანს მანტიას წამოგასხამ, ოღონ
 დამყევი...

ღამე ისმენს ამას და თრთის...

იგი ხო ქალწულია, მორცხვი ქალწული,
 რომელსაც სიზმარშიაც—კი არ მიკარებია
 მზე-ჭაბუქი...

იგი მოლოზანიცაა...

მას ცოდვათა მკურნავი ხისგან უკვე

მიუღია ფურცელი მოთმინებისა, ყვავილი სიწმიდისა, დაუნაყია ფილსა შინა მღუნარებისა, განუცრია საცრითა გულის ხმის ყოფისა, შთათყრია ქურჭელთა სიმდაბლისათა, განუგრძობდა მარხვითა და შეუსვამს კოვზითა სინანულისათა...

ახლი კი... ახლა... მზე—ქაბუკი ურჩევს დაიფწყოს იგი... წაყვეს სიკოცხლისკენ... სიგიჟემაჟისკენ... სიტკობებისკენ... რა ქმნას სიბრალომე?.. როგორ დაახწიოს თავი წმიდა აღთქმას, როგორ მოიშალოს ნირი საღმრთო მსახურებისა...

როგორ წაყვეს მზე—ქაბუკს ლაჟვარდის ზოდებით ნაშენებ ბურჯზე... როგორ დაინთქას სიყვარულის სხივნარში... როგორ დაითროს გაძნობიერების ბადავით...

რა რიგათ, რა რიგათ იტანჯება... რა სასოებით ლოცულობს... ზენაარს იხმობს განარინოს მისგან აუგიანი ფიქრები, მიმადლოს მშვიდობა მსასოებელი.

რა რიგათ ტირის, რა რიგათ ტირის... ესოდენი ცვარ ნაშნი დილ-დილით რო ციმციმებს ყვავილთა ფოთლებზე, სულ მოლოზნის ცრემლებია...

მისი მწარ-ტკბილი ტანჯვის ცრემლები... სხვებს-კი გონიათ, ვითომც იგინი ვარსკვლავებს გამოეგზავნათ ყვავილებისთვის ნიშნათ ტრფიალებისა, ბელგათ სიყვარულისა...

აბა, მოლოზნანს, რა გაახდევინებს მზექაბუკთან ტანს! როგორ გამოაჩენს თვისს ქალწულებრივს ძუძუებს!..

მზე-ქაბუკი თან და თან უახლოვდება..

აი, ამბორიც მოსტაცა...

— უი, დამიდგეს თვალები-შეკვილა მოლოზანმა და ხელის სმა დაიწყო იმადგილს, სადაც მზე-ქაბუკმა აკოცა, თითქო სუროდეს სამუდამოთ ამოეშალოს კოცნის ნაკვალევი..

მზე-ქაბუკი თამამია... მოლოზნის შეკრთომა, როგორ დააყრევინებს იარაღსა... თავს განგებ იკატუნებს და ევედრება პატიებას... უღიადესი შეცდომის მიტოვებას... მოლოზნებიც ხო მისთვის არსებობენ, რო მიუტყეონ უგუნურთ, გაუწოდონ მოწყალეების ხელი...

მზე ქაბუკი უფრო თამამათ ეხვევა... ეტმანება სუროსავით...

ხელებს უყოფს ძუძუებში...

საწყალობელია მოლოზანი, საწყალობელი.

ახლა-კი წავიდა მისი საქმე..

როგორ იწურება სირცხვილისგან... ..

როგორ ეხვეწება, ვაჯება დაიფაროს იგი.. მარა... მარა... ძუძუები... ახ... ძუძუები... ლუპავენ... მზე-ქაბუკმა შენიშნა სუსტი მხარე მიუვადი ციხე-კოშკისა და იქიდან მოუმატა იერიშს.. იგი ეკონება ძუძუებზე და კოცნის კოცნის ისეთი გულისაქმით, რო მოცვალბულნიც ერკვევიან სიკვდილის ძილისგან და თრთიან ეშხით... მიცვალბულნი თრთიან და, ვით გაუძღოს მას, ხორციელმა მოლოზანმა... იგი ილურსება... იბნიდება გულის თქმისგან

.. აი, აი, უღონოთ მიესვენა მზე-ქაბუკის მკლავებზე... მზე-ქაბუკი გაფაციცებით ხდის ტანისამოსს... შავს ტანისამოსს...

აი, გახადა თლა და...

ახ, რა მომჯადოებელი შევენებისა ყოფილა.

როგორა თრთის მისი ტანი... ატლასის ნაზი... უბიწოო.. ქალწული ტანი..

მზემ ჩაიხუტა იგი...

მზე-ქაბუკი დააკვდა მისს მკერდს და...

ვარსკვლავები დადნენ... თლად დაილიენ ეშხისგან..

თვარეს უყურეთ!.. ბებრუხანა,

კბილებ ჩაცვინულ თვარეს..

თვით ვერა გააწყორა... ვერ მოხიბლა მოლოზანი, თუმცა განუწყვეტილვ მასთან იყო და ახლა შეშურდა მზე-ქაბუკის ბედნიერება.. გაყვითლდა... ღრიანკალს დაემსგავსა და მალე დაიკარგა ნისლებში...

მზ მ რო გული იჯერა ტრფიალებით-წამოასხა ნამოლოზნარს ბადახშანი ლალით მოქარგული მანტია და გაიტაცა ოქროს ბურჯისკენ..

მთელი ბუნება ექსტაზში მოვიდა.. ფოთლებმა ტაში დაუკრეს გამარჯვებულს მზე-ქაბუკს. ფოთონები მაყრიონათ გადიქვენ და ცაში კასკასით აიჭრენ, რო ყველასთვის ეცნობებიათ მეფიონის მოახლოვება..

აი, რა ხდება ხოლმე გარიჟრაჟისას...
მოდრი და ნუ შეიყვარეფ ამ უცხო დროსა“

დაბა შუმსკი. 13 იანვ. 1916 წ.

დ. თურდოსჭირელი.

მზის მოლოცვა.

ჩემ სამშობლოს დღეს ციდან მზემ
შეგების სხივი კონათ სტყორცნა,
უთხრა: აღზღექ, გმირთა გმირო,
მსურს მოვიძღვნა ჯილდოთ კოცნა...

--- და დაკოცნა.

შენ ხო წალკოტს გიწოდებენ,
გულ მკერდს გიმკობს ყვაილები.
მაშ, რათსდუმხარ: ხო კიდევ გყავს
გმირთა გმირი შენ შეილები?

— მითხარ, რისთვის იცრემლები,
იქნებ, მისთვის, რო შენს სიერცეს
დღეს უმანკოთ ცრემლი ფარავს,
აწ შენ ჯერეთ ნორჩსა შვილებს,
რო ხოცავენ უცხოთ კარავს?

— არა, ეგ შენ ნუ შეგზარავს.

დღეს მე მოველ და გილოცავთ,
რო სულ სხვა გაქვთ მომავალი...

თქვენ მაგ ტანჯვით მოიხადეთ
მამაპაპის ძველი ვალი.

— ეგ ტანჯვა წარმავალი.

ქ. ვორი.

ობოლი მწყემსი.

შემოდგომა.

შემოდგომა და ცივი ქარი
ავი სულივით დაისისინებეს,
ველს არ შორდებათ ცის ცრემლთა ცვარი
და მთის ნაკადი მწარეთ ქვრიოთანებს...

შემოდგომა და კენესით ცვივა
ხეებს ფოთოლი, დამხრალ-დამქნარი
და ვერან ბალში ყვავილთ საფლავზე
მხოლოთ ველურათ ხითხითებს ქარი!..

შემოდგომაა!.. ცვივა ფოთოლი,
ქცება წალკოტი ფერთა კრთომითა
და კენესის მხარე, მხარე ობოლი,
დაუსრულებელ შემოდგომითა!..
და სევდის სიო, სიო გმნეული,
გმნობის მყინავათ შემოჩვეული,
ეუფლება
გულს!..

ცრემლი ეული,
ნაღვლიან თვლით გადმოთხეული
ეპკურება

წყლულს!..

და ტირის ზეცა, ტირის მიწაცა,
ყველგან გაისმის გლოვა და ზარი.
და დღე ახალი-ახალი სევდას შობს:
დღეს შემოდგომა, ზვალ-კი ზამთარი, --
და, აღარ ვიცი, სად არი, სადა,
სამშობლოვ, შენი ტანჯვის საზღვარი!..
ილ. გოგია.

ჩემი ჯორი.

(მოგონება)

მე მინდა ჩემი კრებულში (ღვდელ მთავ-
რებთან სამსახურში) მყოფობის დროს ნახული
შემთხვევები მოვიგონო და გავუზიარო მკითხვე-
ლს, რომელნიც, როგორც ვფიქრობ, არ არის
ინტერესს მოკლებული, რათგან ზოგი გაგვა-
რთობს, ზოგი ცხოვრებას დაგვაკვირებს და
ზოგიც წინანდელ ჩვეულებასაც მოგვაგონებს.

კრებულში სამსახური, გარდა წირვა-ლო-
ცვის დროს სამსახურისა, ეპარქიის სხვა და
სხვა სოფლებში მუდმივ მოგზაურობის ალია-
ქოთს შეადგენდა. შეძლებული ოჯახის წევრი,
როცა გადაიცვლებოდა, თავადი იყო იგი, თუ
აზნაური, საღვდლო, თუ გლეხი, უთუოთ
ღვდელთმთავარს მიიწვევდა. უამისოთ ოჯა-
ხი იძრახებოდა. რასაკვირველია ამასთან
რელიგიური რწმენაც ადასტურებდა ამ
ჩვეულებას. ამიტომაც, ღვდელთმთავარი, და
მისი კრებული, თითქმის მუდამ გზაზე იდგა.
ხანდახან, თვეც გაივლიდა ისე, რო სახლში
ვერ დავბრუნდებოდით. ასე ხშირი მოგზაურო-

ბისთვის, უსათუოდ, ცხენი და ჯორი იყო საჭირო და თითოეულ კრებულთავანსაც, ან ცხენი ყავდა, ან ჯორი, მარა უმეტესობას ჯორი ყავდა, რათგან ჯორს მეტი ჯაფის ატანა შეუძლია და ადვილი შესანახავიც არი.

მეც მყავდა ერთი ჯორი. საუბედუროთ, მეტი ხედნისგან მეტათ დამჭლევდა და ერთს ვითომ მისანდობ კაცს გასასუქებლათ მივაბარე (მთის კაცი იყო). ერთი თვის მერე ამბავი ჩამომიტანა: შენი ჯორი მეგელმა შეჭამაო. თქვენს მტერს იმისანა მეხი დაეცა, რაც მე! ფიქრებში გართულს, რო ჩემი ჯორი დარდასმული ჩამომიგა—მეთქი, მგლის არჩივი გამხდარიყო. დავრჩი უჯგოროთ. ყოველ დღე ცხენის ქირაობა ჩემთვის ზარალი იყო. ავიღე ჯამაგირი, მივეუმატე ნასესხებიც და მარტვილიდან (სადაც მე ვმსახურებდი) ვაკსწაე ლუჩუშა. სადაც 14 ენკენისთვის დღესასწაული და ბაზრობა ოციან. შეღამებული იყო, როცა იქ მივედი. მონასტრის ახლოს, დუქნის წინ, ლამპრით გაჩაღებულ აივანზე თავის შესაქცევათ ხალხს მრავლათ თავი მეყარა. ვალობის და სიცილი-ხარხარის ხმა შემომგება. მე აივანზე ავედი. ჩემი შესვლა და იქით-აქიდან შამოძახება ერთი შეიქნა: ოოო! ვალობელი მოვიდა, ვალობელიო. აქ ოთხი, ხუთი თავადები: ფაღვები და ჩიქვანები იყვენ მეგრელიიდან და ისე ლეჩხუმიდანაც. გარეშე მაყურებელიც მრავალი. თ. ბეგლარ ფაღვამ უთხრა იქ მყოფ ვალობლებს: რო თავი წაგვეჭამე ტრამახობით, თუ კი მვალობლები ხართ, ახლა თქვით ამ “მეგრელ” მვალობელთანო. ეს დაქადილი მე მეწყინა. მარა მაინც გნეზუდი. მვალობლებმა ამხედ დამხედეს და მაინც და მაინც არაფრათ ჩამადგეს. *) სიჰამამე არ დაკარგეს და, აბა. დაგვიწყე, ყმაწვილოო, მოთხრეს. მევეუთხარი: მასე არ ივარგებს, დავეკითხოთ ერთმანეთს, რა უნდა ვთქვათ, თორე, რო მარცხი მოხდეს

ამ დროს, ასეთ შესაქრებელ ადგილზე, ვალობა დიდ სისამოვნო ვასართობათ ითვლებოდა და ვალობელი, თუ ერთი მეორეს ისეთ ვალობას დაუწყებდა, რო მეორეს არ ეცოდინებოდა, დიდ სირცხვილათ ითვლებოდა მისთვის, ვისაც არ ეცოდინებოდა. რ. ს.

და ისეთი ვალობა დავიწყო, თქვენ არ იცოდეთ, არ გაიმებათ-მეთქი.

მეგრელ თავადებს სიცილი აუტყდათ და იმათ-კი მეტათ იწყინეს ჩემი გულ უბრყვილო შენიშვნა. ეს ტრამახობააო. ნუთუ შენ იტყვი და ჩენ-კი ვერაო?! მე მაინც ვთხოვე, რომ უწინ იმათ დაეწყათ. —და შენ-კი აღარ გკითხოთ, რა დავიწყათ! არა, ასე ინებეთ მეთქი. დამიწყეს ძლიან თავმომწონეთ: შენ ხარ ვენახი ახლად აღყვავებული. ეს ვალობა ისეთია, რომ იმ დროს ყველა მცირედ მცოდნე მვალობელთა კუთვნილებას შეადგენდა; თითქმის ყველამ იცოდა და ახლა შენ დაგვიწყე, ყმაწვილო. მევეუთხარი ხეალ ვვარ ამოღობ: არი და, თუ თქვენი ნება იქნება, ხვალინდელი სძლის პირები ვთქვათ-მეთქი. (მთელი წლის განმავლობაში, რაც დღესასწაულებია, ყველაზე უფრო ძნელია ამ დღის სავალობლები). მითხრეს: მართლაც, რო შესაფერია, რომ ამ დღის ვალობები ვთქვათო. მარა, ყურები დაგვიწყე, რომ ამ დღეს არც ერთი ვალობა არ ვიცითო. ასე მალე დაყარეს იარაღი. ამის მერე თვითონაც ბევრი იცინეს და.. ჩვენც ყველამ ერთათ. ძალიან დარბაისელი ყმაწვილები იყვენ ის მვალობლები, როგორც სიტყვა ჰასუხით, ისე შესახედავათაც. როგორც მახსოვს, ერთა იმათგანი უგრეხელიც იყო, ვვარათ. მის მერე, ჩვენ დავმეგობრდით, ჩემი გაცნობით ძალიან ისიამოვნეს და, მართლაც, მრავალი ვალობა ვთქვით იქ.

ბოდიშს ვიხდი, რო ჩემი ჯორის ამბავი კინალამ გადამავეწყდა. მეორე დღეს (ბაზრობა აქვე იცოდენ) ჩამოიყვანა ვიღაც რაჭველმა ვასაყიდი ჯორი. საშვალო ტანის, ძალიანი სუქანი, ლამაზი და კარგი მატარებელიც.. მომეწონა. დიდი ვაჭრობის მერე, რვა თუმნათ. ვავრიგდით. ბაზრის მართველთან ნაყიდობა დამიწერა, ჯორი ჯოხზე ვადამირონია, ბაწარი ამოიღო, უნდა თავზე დააბას და მომცეს. ლაგანის წაღება მოინდომა, რომელიც ჯორს ქონდა. მე ვუთხარი: ააა! თუ ლაგამი წააძვრე და წაიღე, მე ევ ჯორი არ მინდა-მეთქი. ძალიან შორს დაიქირა. მარა, როგორც იყო, დათანხმდა, ლაგამიანა მომცა. თურმე, ქირა

რო მიმეცა, ლაგამს არ წააძრობდა. სიმიდი ვიყიდე და ცოტა ბაზრის მოშორებით დავუდგი და ლაგამი წაყარე. მარა იმისანა თქვენს მტერს: ვიო! ერთი შექყვირა, მომიბრუნდა და ორივე ფეხებით წიხლები მომაყარა! გავასწარი, თორე სულს გამაგდებებდა. თურმე, როცა ლაგამი ედვა, არაფერს იუკუღმართებდა და, როცა წაყრიდი, სულ ვი, ვიო იძახოდა და უკანა ფეხებს მაღლა სროლილობდა. თქვენ მტერს იმისანა ელდა ეცა, რაც მე მაშინ! ქირის შესაქმელმა, სიმიდი ისე შექამი, რო ვი, ვი და უკანა ფეხების მაღლა სროლ არ გაუწყნარებია. სიმიდს ტუჩს არ აშორებდ და უკანალს წიხლების სროლით, ხან იქით ატრიალებდა და ხან-აქით. ვაათავა ქამა და, როგორც იქნა, შეჩერდა. ვშინჯე ახლოს მისვლა. მარა, თქვენც არ მომიკვდეთ! ქვერის ეს შეჩვენებული და წიხლებს ჩემკენ სროლილობს. რა არ ვეფერე, რა არ ვუწრუბუნე, რა კოკი, კოკი არ ვუძახე. მარა არას გზით არ მიმიკარა. ვიფიქრე: ვკრავ თოფს და მოვკლავ-მეთქი. მარა ესეც ვერ გადავწყვიტე. ვითამ იმედი არ დავკარგე, ეგებ მიმიჩვიოს-მეთქი. მერე, დიდი ტანჯვა წვალეებით ლაგამი აუღევი, როგორც იქნა. ღმერთმა ყველაფერი კარგი მოგვეთ, ეს ლაგამი იმას მოუხდა. სრულიათ დამშვიდდა... გადუსვი გავაზე ხელი, აბა, ფეხებზე, კულზე, მარა კრინს არ იღებს. თურმე, ლაგამის ადებამდი ყოვლათ წაწყმედილი ეშმაკი ყოფილა; ლაგამში-კი ყოვლათ მშვიდი და პატიოსანი...

როცა სოფლათ დავდიოდით და კრებულის ცხენებს ერთ სახლში ბინას მიუჩენდენ ზამთრობით, თქვენს მტერს ისეთი, რასაც კრებულის ცხენებს ის დღეს დააყენებდა. სადაც მუხურში დავაბამდი, დავუყრიდი თივას და წავილოდი და ასე ყველა ჩემი ამხანაგები თავთავის ცხენებს. ჩემი ჯორი, უთუოდ, აიწყვეტდა და ყველა ცხენებს ააწყვეტიებდა. ერთ მუხურში მირეკდა წიხლების ხათქა ხუთქით და ყველა ცხენების არჩივს თვითონ შეექცეოდა მთელ ღამეს. მარა, სამაგიეროთ, ხან დახან, როცა მე დამეძინებოდა, ამხანაგები კეტით მიღვ-

რათ გამოდენიდენ და მთელი ღამე ბევრჯელ თოვლში დარჩენილა:..

ბევრ უსიამოვნებასან, ჩემმა ჯორმა ძალიან სახსოვარი დამავალა. სიკვდილს გადამარჩინა. ერთხელ, კულაშს ვიყავი სადღესასწაულოთ ახალკვირზე. სადილათ თ. გვადა მიქელაძისას ვიყავით მრავალი ახალგაზდა ყმაწვილები და ისე სტუმრებიც. იქ მყოფმა ექვსიოდე ყმაწვილმა პირობა დავდეით, მეორე დღეს, ორშაბათსადრე ბანძას უნდა წავსულიყავით, სადაც დღესასწაული იციან. მე-კი წირვაზე უნდა მიმესწრო, რათაგან ეპისკოპოზი იყო იქ მწირველი. გათენდა ორშაბათიც. წამოვედით ყველა ერთათ. გზაზე სხვებიც შამოგვიერთდენ და ასე 25 ცხენოსანი მივადეკით ცხენის წყალს. პარომი შორს, 16 ვერსზე იყო. ფონზე გასვლით-კი ძალიან მოკლე გზა გვქონდა. ცხენის წყალი ძალიან შორს იყო მოფანტული და მეტათ მღვრიე, მთის ნამქრით აღიდებული.

გადაწყვიტეს პირდაპირ წყალში გასვლა. მე არ დავეთანხმე. ჯორს ვერ ვენდევ და პარომისკენ გავწიე. სად მიხვალო, მითხრეს. შამომირბინეს ცხენებით და არ გამიშვეს. რა გაშინებს, კაკო? ჩვენ ცხენოსნები შვაში ჩავიყენებთ, სულ ზედაზე დაგიკერთ და ისე გაგიყვანთო. აღარ დამიჯერეს. ჩამიგდეს შვაში და ყველა ერთად ჩავედით წყალში. ჩასვლა თუ არა, ჩემმა ჯორმა და მე ერთათ ყვრალი გავაყენეთ უშველებელ სიღრმეში! სანამ ფეხს დაუწევდა ჯორი, ძირს დაბლა მივიდიოდით საჯენ ნახევრის სიმაღლეზე. როცა ფეხი უწია, დაკრა მძლავრათ ფეხი და წყალს ზევით ამოვარდა. ყურებში წყალი ჩაუვიდა და ერთი მაგრათ გააპარტყუნა ყურები და ფრუტუნი დაიწყო ცხვირით. ჯორი ყურებისა და ცხვირის მეტი აღარ ჩია. წყალმა ფეხები წაართვა და ახლა ფარგასავით წყალზე მოტივტივდა. მაინც მიფრუტუნობს და მიცურავს. თქვენს მტერს ისეთი შიში მიეცა, მე გავფთხალდი და შევშინდი... მარჯვენა ფეხიც აბყანდში გამომივარდა, მარტო მარცხენა ფეხი შემრჩა აბყანდში, და ფერდებით წყალზე გაწოლილ ჯორს გვერდზე ვაზივარ და პირდაპირ თავზე ვუყურებ ჯორს,

რათგან მეტი არაფერი უჩანს. გავონილი მქონდა: წყალს თუ დააჩერდი, თვალი ავიტყრელდება და გადავარდებიო. მეც ამ ტაქტიკას დავადექი. რამდენიმე წამის მერე, შემეწია ღმერთი და უწია ჯორმა მიწაზე ფეხი; მარა ამის იქით ჯორი აღარ გაქანდა. წყალი—კი სილას აცლიდა ფეხ ქვეშ ჯორს და ეკეცებოდა წყალში. არც შემეძლო გადახტომა და გასვლა, რათგან თლად დასველებული ვიყავი, თუმცა წყალი კაცზე უმაღლესი აღარ იყო.

მათრახის დიდი ცემით, როგორც იყო გავრჩექი. გავედი გაღმა. ახლა—კი მომაგონდა ჩემი გმირი ამხანაგები, რომელნიც თვით მე გადარჩენას შპირდებოდენ. თქვენ მტერს იმისანა! ესბედაური ცხენები, ზოგი ისევ გაღმა გევდო წყალს, ზოგი ერთი ვერსის სიშორეზე საღაცა დაბლა, გამოღმით გამოევდო. ზოგი კიდევ სადებში ჩაევდო და იქ დგაშუნობდა. მადლობა ღმერთს, რომ არაეინ დამხჩვალა და განსაცდელი და გასაჭირი ყველამ უზომო გამოვიარეთ.

ამის მერე, ეს ჯორი შემეყვარდა და მის უკულმართობას, ლავაშის ბდებამდი, ყოველთვის ვითმენდი, რათგან მერე მშვიდი იყო.

რ. საჯავახოელი.

ბ ა რ ა თ ი.

(აბოღ მუშას).

და ის ბარათი, ეჰ, მეგობარო, რომელსაც მწერი გულით, თამამად, მივიღე ისე, ვითა ფსალმუნი, დამეთახებები, ამაზე თავად. წამს ვამიტაცა ბუნებრივ ძალომ, ლაყვარდ სივრცეში მითხრეს მე ნანა. სულის ობლობა, შემისუბუქეს, და მსურდა იმწამს მოსვლა შენთანა... მარა ოხ, ძმაო, ის სინამდვილე, „კედელი“, „კლიტე“ და ცევი ხუნდი, არა, თუ ცხადათ მოსვლა მანდ შენთან, ოცნების ვზიდან ცრემლით დავებრუნდი...

და სასო-მიხდილს, ფთებ დამსხვრეულსა, თვალ წინ დამიდგა ცოცხალთ სამარე— უსამართლობა, ცხოვრება ბრუნდი... მწარე ღიმილით უკან დავებრუნდი.

კ. მიმქრალი.

ბ ძ ო ლ ა - ი მ ე დ ი.

ხმალს ნუ დაუშვებთ, ჩაგრულნო! ნუ გადაიწყვეტთ იმედსა; საცაა სხივი შუქ მფენი ბნელს გადააცლის რიდესა... გამხნეველით, მარად იფხიზღეთ, ბოროტს დაუხვდით მედგრათა, უსამართლობას, სიფლიდეს თავზე დაატყდით მესხათა. იფხიზლ-იბძოლეთ, სანამღი შეგწევთ ღონე და ძალია; აენტეთ ცეცხლებ, ბოროტებს გულს დააძგერეთ ხმალია. როცა ბოროტი გაქრება, გაყვება მის კვალს ტანჯვაცა; სამოთხეთ გადაიქცევა დაბლა ქვეყანა, მაღლა ცა. არ გძლიოთ ბძოლის სიძნელემ, არ გაიტეხოთ გულია; იბძოლეთ, ბძოლას მოყვება საამო გაზაფხულია.

გ. ლაღოშვილი.

ი ლ ი ა ლ უ შ ა ს ქ მ ბ ა ხ ტ ა ქ მ (ილ. ხონელი),

მ ა ს ა ც ხ ო გ რ ე ბ ა და მ ო ლ ვ ა წ ე ო ბ ა. *)

ჩვენ განვიძრახეთ სისწორით აღწეროდა ცხოვრება და მოღვაწეობა პუბლიცისტის ილ. ხონელისა.

*) ამ წერილს ვათავსებთ ჩვენი ეურნალის კრიტიკის განყოფილებაში.

„ცხოვრების“ რედაქციამ განსაკუთრებულის თხოვნით მიმართა ბატ. ლუკა ლუკასძე მახტაძეს დაეწერა მას-თვისი უნიკიერესი ძმის-ილ. ხონელის ცხოვრება და მოღვაწე-

დაკარგვა ისეთი გამბედავის, გულწრფელის და უანგარო მოღვაწისა, როგორც იყო ილ. ხონელი, უფრო საგმნობელი არის ამ დროს, როდესაც ჩვენ მწერლობაში იშვიათად შეხვდებით მისებ მედგარს და ჭეშმარიტი ტალანტით დაჯილდოებულ მწერალს.

მისი დაკარგვა, იმდენათ საგმნობელია დღესაც, რო ყოველთვის, როდესაც ჩვენ ცხოვრებაში რომელიმე საკითხი აღიძვრება, რომლის დაცვა და გარდაწყვეტა მოითხოვს მოუზღებლობას, სულის სიმტკიცეს და გამბედაობას, უნებლიეთ გაიხსენებთ ილ. ხონელს.

ვის არ ახსოვს მაღალი, კეთილშობილური მამულის შეილობით აგზნებული მისი წერილები, როდესაც ბნელი ძალები იერიშებით მოდოდნენ ჩვენ ისტორიულ წარსულზე, ჩვენს აწიყმოსა და მომავალზე! რა ძლიერებით, რიხით და თავდავიწყებით გაილაშქრებდა განსვენებული ასეთი ვაჟ ბატონების წინაღმდეგ!

ისიც უნდა ვთქვათ, ძნელათ გამოყობოდნენ ხონელს პოლემიკაში მისი მოპირდაპირნი, რათგან საშიში იყო მასთან კამათობა. კალამს გამწარებით ხმარობდა, როგორც ძლიერი მეომარი-ბასრ მახვილს და ამას დაუმატებდა სმართებელსავეთ მჭრელი ირონიით სავსე კილო, რომლითაც აქარწყლებდა და ანადგურებდა მოპირდაპირეს, იგი არ მოეშვებოდა მოკამათეს, სანამ იარაღს არ დააყრვენიებდა. საში

ობა ჩვენი ჟურნალისთვის ავტორმა ზედ. მიწვევით შეასრულა დაკისრებული საქმე. რისთვისაც მას რედაქცია დიდ მადლობას მოახსენებს.

ავტორი გვწერს: „რაც დავწერე, ზოგის მოწამე მე ვარ, ზოგის შიგან (ილიკოსგან) გამიგონია. შიგ რაფერი წერია, რომართალი არ იყვეს ტყვილს რთვორ გავბედავ. ჯერკიდევ ყველა ცოცხალია, ვისთანაც ილიკოს საქმე ქონდაო.“

მკითხველიც კარგათ შეატყობს, რომ ეს იშვიათი სალი ტერატურა მოგონებანი ისეთი აპრიალბებულ-სოცხალი და მგზნებარე ქართული ენით არი დაწერილი, რომ იგი, ვფიქრობთ, შენიშვნებსაც გამოწვევს ქართულ პრესაში, ჩვენ ამ შენიშვნებს სიამოვნებით მივსემთ ადვილს, თუ, რა თქმა უნდა, ისინი მართებული კილოთი, ნიჭიერათ და გულწრფელობითაც იქნებიან დაწერილი.

რედ.

ში იყო ილ. ხონელი, თვისი პიროვნებითაც, რათგან თვით მასზე, მის პიროვნებაზე, აბეზარ მოსულ მტერსაც არ შეეძლო რამე ცუდი ეთქვა, ან ექვა შეეტანა მის პატრიონებაზე და ამ პირად თვისებებს უნდა მივაწეროთ-დიდი ის გავლენა, რომელიც ქონდა მის ნაწერებს შკოთხველ საზოგადოებაზე. ყოველი მისი-ნაწერი ერთ უმველებელ ალიაქოთს, მითქმა-მოთქმას იწვევდა ხოლმე საზოგადოებაში. მწერლობის ნიჭი ილ. ხონელს ადრიაანათ გაეღვიძა, როდესაც ჯერ კიდევ სამოწავლო მაგიდას უჯდა.

მისმა წერილებმა სერგეი მესხის „დროებაში“ ქუთაისის გიმნაზიის წესწყობილებაზე და გიმნაზიის დირექტორ ლევანდაზე, საზოგადოების დიდი ყურათღება მიიზიდა. გიმნაზიის მთავრობამ ნალე მიაგნო ნორჩ ავტორს. ილ. ხონელი პირველ შეგირდათ ითვლებოდა გიმნაზიაში, რომლის მთავრობა ყოველ წელს აჯილდოებდა ნიჭიერ შეგირდს „ქების ფურცელით“, მიკროსკოპებით და მოვარ-აყებულ ყდიან წიგნებით ბავშვის თავ მოყვარობისთვის საგმნობელ წარწერებით. ამ-წერილებმა დიდი შედეგი იქონიეს ილ. ხონელის მომავალზე. ახალ გაზდა ილიკო გიმნაზიის მთავრობამ და, განსაკუთრებით, მისმა დირექტორმა ლევანდამ, იძულებული გახადეს დაეტოვებინა სასწავლებელი. ლევანდა, გიმნაზიის დირექტორათ განწყესებამდი, ქ. სოხუმში მსახურობდა აღმინისტრატული უწყებაში. იქიდან იგი ვილაც გავლენიან ქალბატონის პოტუცკითა გადმოყვანილ იქნა პირდაპირ გიმნაზიის დირექტორათ. ამ ლევანდამ ბევრ ნიჭიერ ყმაწვილს აუზნია გზა. ახალგაზდა ილ. ხონელი უკანასკნელ კლასში იყო, როდესაც გიმნაზიას თავი დაანება. ის ამ დროს ერთ საუკეთესო გონება ვავითარებულ ყმაწვილათ ითვლებოდა ქუთაისში. იმას თითქმის ყველა წიგნები გადაკითხული ქონდა ღვანოვის სეფო ბიბლიოტეკის, რომელიც იმ დროს ანტონ ლორთქიფანიძეს ეჭირა ქუთაისში. ილია მალე პეტროგრადს გაემგზავრა, სადაც უნივერსიტეტში შევიდა თავისუფალ მსმენელათ. კუჩის დამთავრების შემდეგ, კიდევ რამდენიმე წელიწადი დარჩა პეტ-

როგრადს, სადაც თანამედროვე ლიტერატურის შესწავლას ენერგიულათ მიყო ხელი.

ამ დროიდან იწყება მისი ლიტერატურული მოღვაწეობაც. ჯერ კიდევ პეტროგრადში მყოფობის დროს, დაბეჭდა რამდენიმე წერილი სტასულევიჩის გაზ. „პორიადოკში“, გელთის გაცარცვის შესახებ.

ავტორი თხოულობდა ფიცხელ გამოძიებას. წერილები მკაცრი და გესლიანი კილოთი იყო დაწერილი, ასე რომ უნებლიეთ მიიპყრეს მთელი საქართველოს ყურათღება.

ეს ის დრო იყო, როდესაც ამ გვარ საგანზე ლაპარაკი დიდ გმირობას და პასუხის გებას მოითხოვდა მწერლიდან. გაბრიელმა ქუთაისის ეკლესიის კათედრიდან გასცა პასუხი წერილების ავტორს. მარა მის პასუხში, წყევლა-კრელების მეტი არაფერი იყო წერილების ავტორისადმი. უმთავრეს საგანს-კი ებ. გაბრიელმა მორიდებით გვერდი აუარა თავის სიტყვაში...

ილ. ხონელი პეტროგრადში დრო გამოშვებით წერილებს ბეჭდავდა, როგორც ზევით ავნიშნე „პორიადოკში“, და პოლონსკის გაზ. „სტრანაში“ ილ. ხონელი ჯერ კიდევ პეტროგრადში იმყოფებოდა, როდესაც მეფე ალექსანდრე 2 სხვერპლი შეიქნა რუსთა ტერორისტებისა. მეფის დაკრძალვაზე დასასწრებლათ, დიდი იმპერიის ყოველ მხრიდან წავიდნ დე-

პუტატები. საქართველოს თავად-აზნაურობამაც გაგზავნა დელეგატები.

მეფის დაკრძალვის შემდეგ, ახალმა ხელმწიფემ წყილობები გასცა.

პოლონეთის თავად-აზნაურობის დეპუტატებმა ისარგებლეს შემახვევით და მთავრობას პოლონეთის სკოლებში სამშობლო ენის შემოღება თხოვეს. ჩვენმა დეპუტატებმა-კი, აღმასხან ნიჯარაძემ, დავით წულუკიძემ და სხვებმა, ჩოხებზე დასაკერავი ვენზილები ითხოვეს „ნიშნათ კავკასიის დაპყრობისა“!...

შეასრულეს რა პირნათლათ ქვეყნისადმი თავიანთი მისია, ჩვენი დეპუტატები ჩამობანდნ სამშობლოში, სამშობლოს სახელით მოპოვებული უმნიშველო ვენზილებით (ვენზილი ნიშანია) შემკულნი და ნიშნ-მოგებით აყვედრებდნ ამომრჩეულებს: დიდი სქმე შევასრულეთ, ჩვენი გამგზავრებით საქართველო შევახსენეთ დიდ ხელმწიფესო...

ერთი კვირაც არ გასულა, გაზ. „დროებაში“ პეტერბურგიდან დაიბეჭდა ფელეტონი აღია ბახტაძის ხელ მოწერილი. ფელეტონში აწერილი იყვენ საქართველოს დეპუტატები და, კერძოთ, ქუთაისის თავად-აზნაურობისა. სტატია ისეთი ხელოვნებით დატალანტით, ისეთი ირონიით იყო დაწერილი, რომ დღესაც სიცილოს ვერ იკავებ, როცა კითხულობ ჩვენი ჩიტი რეკია დეპუტატების თავ-გადასავალს... და ადვილი წარმოსადგენია, როგორი ჩაბეჭდილებას მოახდენდა იგი მაშინ დეპუტატებზე, მათ ამომრჩეველებზე და მკითხველ საზოგადოებაზე.

საბრალო და სასაცილო იყო ჩვენი დეპუტატების მდგომარეობა. ყველა მათ გზაზე აჩერებდა და კითხავდა: ნუ თუ მართალია, თქვენო ბწყინვალეობაე, რასაც გაზ. „დროებაში“, იწერებთან პეტერბურგიდანო. დეპუტატები თავს იმართლებდნ. ბოლოს, გარდაწყვეტეს, ხანგძლივ თათბირის შემდეგ, პასუხის გაცემა. მარა სასაცილო უფრო ის იყო, რომ გუბერნიის მარშალმა აღმასხან ნიჯარაძემ წერა სრულებით არ იცოდა.

ბწყინვალე თავადს დიდი გაჭირვებით შეეძლო მხოლოთ თვისი სახელის და გვარის მოწე-

რა. ქართულ ენის ალფაბეტში ის ასოები იყო და, რომელნიც მისთვის საჭირო იყო თვისი წოდების, სახელის და გვარის გამოსახატავათ, იმათაც უხერხულათ დასვამდა ქალღმერთს, ყველა ზურგ შექცეულნი იყვნენ, გვეგონებოდათ, ერთმანეთზე გაბუტულნი არიანო.

ამისგან, ახალგაზღვა ავტორის პასუხის გაცემა დავით წულუკიძემ იღვა თავს.

თ. დავითის „პასუხი“ იწყებოდა რუსთველის სიტყვებით: „კოკასაშინა, რაცა დვას, იგივე წარმოდინდების, და ამავე სიტყვებით თავდებოდა. დაბეჭდამდი თ. დავითმა იგი წაუკითხა თავის მეგობრებს და, მათ შორის, აღმასხან ნიჯარაძესაც. აღმასხანს ძალიან მოეწონა დავითის კალმის ხმარება: „შენ-„ ნუმომი კვლები საუცხოვოთ, გაგიწევს ლავს ის ბაღლიო,“ ეთქვა დავითისთვის. ერთ კვირა დღეს დ. წულუკიძე ჩამოვიდა სოფ. საწულუკიძოდან დ. ხონს და ნაწირვებს, ეკლესიის წინ შეკრებილ ხალხს წაუკითხა „დროებაში, დასტამბული „პასუხი,“ „განმარტებით“: „ჩვენ საქართველოს თავდაუნაურობის წარმომადგენელი გამოგვიხმეს პეტერბურგს ჩელმწიფის დაკრძალვაზე დასასწრებლათ. გვეგონა, პირნათლათ შევასრულეთ საზოგადოების მონდობილება. ჩვენი მეცადინობით წყალობაკი გამოუვიდა ქართველ ხალხს. და ლუკა დედლის შვილი მოგვედგამია და თავზე ლავს გვასხამსო.“

ამ დროს ილია ხონელის მამაც გამოვიდა ეკლესიიდან, სადაც იგი იმ დღეს მწირველი იყო. მიუახლოვდა დ. წულუკიძეს, რომელსაც დიდ პატივს სცემდა და, რომელთანაც მეგობრული განწყობილება ქონდა და ჩვეულმებრივ მიესალმა. მან არ იცოდა, თვისი პასუხი რა წაუკითხა თ. დავით წულუკიძემ თავმოყრილ ხალხს.

დავით წულუკიძემ მისაღმების შემდეგ, საყვედურებით მიმართა მამა ლუკას: „ამას არ მოვლოდი“, მამაო, თქვენი შვილისგან: მარა, რაც მოუვიდა, თავის თავს დააბრალოს. თქვენ შვილს ეგონა, ჩვენ პასუხს ვერ გავცემდით. აი, პასუხიო და უჩვენა ვაზ. „დროების“ ნუმერი, რომელშიაც იყო მოთავსებული მისი წერილი.

ილიკოს მამას ძალიან ეწყინა თავ. დავითის საყვედურები და ილიკოსგან დავითის წყენაც. მარა ჩვეულებრივი აუჩქარებელი კილოთი უთხრა მეგობარს: ჩემმა შვილმა, თუ უმართებულოთ მოგიხსენიათ თქვენ და თქვენი ამხანაგები, თქვენ უფრო სიღინჯე გმართებდათ, დავით ივანიჩ! და არ უნდა აყოლოდით ბავშს. იგი თქვენ წერილს უპასუხოთ არ დატოვებს და ატყდება უსიამოვნება. კვიანი კაცი რისთვის აყვით ბავშს, წყენის კილოთი უთხრა დავითს და თან დაუმატა: „გლახათ გინებებიათ, დავით ივანიჩ, გლახათ“. გააპო ხალხი და წავიდა პირდაპირ სახლში.

მართლაც, არ გასულა ორი კვირა, პეტერბურგიდან ილ. ბახტაძის პასუხი მოვიდა თავ. დავითის წერილზე. პასუხი ისეთი სახუმრო და მოურიდებელი კილოთი იყო დაწერილი, რომ ქუთაისში*) და ხონში ქუჩაში კაცს ვერ შეხვდებოდით, ვინცკი კითხვა იცოდა, რომ იმ სტატიაზე არ ჩამოეგდო მუსაფი და ჩვენი დეპუტატები სისაცილოთ არ აეგდო.

დაირცხვინეს დეპუტატებმაც და ერთხან-არსად ჩდებოდნენ. უსიამოვნება მოუვიდათ ურთიერთ შორის: აღმასხანი დავითს აბრალებდა, დავითის ბრალია ილია ბახტაძისთვის პასუხის გაცემა, მე თავიდან წინააღმდეგი ვიყავი, როგორ დაგველუბა ამ კაცმა, ძირიან ფეგვიანა მოათხრევა ჩვენი თავი, ხალხში თავს ვერ გამოვყობთ, ესაყვედურებოდა თავ. აღმასხანი თ. დავით წულუკიძეს. ილიას მამა ძალიან შეწუხებული იყო თავის მეგობრის წყენით და ყოველთვის კითხულობდა, ნეტავ, სად არის, ან, რა დაემართა დავით ივანიჩს, რომ არსად ჩანსო.

ერთ დღიას, როდესაც ილიას მამა აივანზე ჩაის მიირთმევდა, ვილაცამ ჭიშკარს ცხენი მოაგდო და, რა დაინახა აივანზე მასპინძელი, მიესალმა მხედარი. ეს იყო თავ. დავით წულუკიძე. „მართალი ბძანდებოდით, მამაო ლუკა მათევიჩ, ამას წინათ რომ მისაყვედურეთ, პასუხი არ უნდა გავცეთო. ან, რა ჩემი საქმე იყო მისთვის პასუხის გაცემა?!

*) ამ დროს მე თფილისში ცსწავლობდი და აქაც დიდი ქართველი ასტეხა ილ. ხონელის ფელეტონებმა. **ხომლედი.**

ილიას მამამ გაუადვილა თ-დ დავითს შვილი სგან შეურაცყოფა და ურჩია ყურათღებას ნუ მიაქცევთ. იმ დღიდან მათი კეთილი განწყობი-ლება არ შეცვლილა...

დიდი ხნის შემდეგ, როდესაც ილიკო რუსეთიდან დაბრუნდა, თ. აღმასხანი შეხვედროდა და სახლში წაეყვანა. ილიკო გაკვირვებული დაბრუნდა აღმასხანისგან. „როგორი მოწყობილი სამწერლო კაბინთეი აქვს ამ კაცს, სიცილით უამბობდა ნაცნობებს, როგორი კალმისტარი არ გინდათ აღმასხანს, არ ქონდესო: ვეცხლის, სპილოს ძვლისა, თუ ხისაო.“

სამწერლო მაგიდასთან თ. აღმასხანს კედელს უშვებდნენ გარეულ ფთოსანთა ფთეზი, რომელნიც კალმებათ იყვნენ გამოქრილნი, თითქო ფთოსანთაც განეზარებათ დაზარების გაწვევა თავ. აღმასხანისთვის იმ ათიოდე ასოს გამოსახატავათ, რომელნიც მისთვის საჭირო იყო თავის წოდების, გვარის და სახელის ქაღალდზე გადასატანათ და ამ მიზნით დაეტოვებინათ მისთვის თითო ფთა.

ორბის ერთი ფთა აღმასხანს ილიკოსთვისაც ეჩუქებინა...

თავ. აღმასხანი ერთ დროს ძალიან დიდ როლს თამაშობდა დასავლეთ საქართველოს თავ-აღ-ზნაურთა შორის. თავ. ნესტორ წერილის შემდეგ, მას დიდ ხანს ირჩევდნენ თავად-აზნაურთა წინამძღვრათ. ხერხით, ქველობით, უხვ-მასპინძლობით იგი ყოველთვის იმარჯვებდა მტრებზე, რომელთაც სურდათ ჩამოეგდოთ წინამძღვრის ადგილიდან. გამარჯვების შემდეგ, მეგობრათ უხდებოდა გუშინდელ მტერს. თავ. აღმასხანი იყო უზარმაზარი მოხუცი, მუდამ ახალ პირ მოპარსული, განიერ სახეს უშვებდნენ დიდრონი ულაშები, მარწყვივით შავი, ყოველთვის ახალ შეღებილი. იგი იყო მამა ორის, ლიხთ-იმერეთის მნათობის ასულისა, ამ სიტყვის ნამდვილი მნიშვნელობით, ნატალიასა და სოფიოსა.

პირველი ანათება ზემო იმერეთს, მეორე აშვენებდა ჩვენ მხარეს. ამ ამბების შემდეგ, ილ. ხონელიც მალე ჩამოვიდა სამშობლოში და მაშინვე თ. დავით ერისთავმა მიი-

წვია გაზ. „კავკაზის“ თანამშრომლათ, რომე-ლიც იმ დროს მის ხელში გადავიდა. იმ დღი-დან იწყება მასი გამუდმებული მუშაობა გაზ. „კავკაზში“. იმავე დროს ბეჭდავდა საკვირაო ფელეტონებს გაზ. „დროებაში“. როდესაც „კავკაზი“ ტებენკოვის ხელში გადავიდა, ხონელმაც მიატოვა გაზ. „კავკაზში“ თანამშრომ-ლობა, რათგან ტებენკოვის მიმართულება მის რწმენას ეწინააღმდეგებოდა.

ამ დროს სახელმწიფო ქონებათა მინისტრის რწმუნებელმა, ივ. ივ. ტიხეევმა მიიწვია იგი სახელმწიფო გლეხების მდგომარეობის გამოსაკვლევათ შემდგარ წრეში და მიანდო რაქის და შორაპნის მაზრების გლეხთა ეკანო-მიური მდგომარეობის გამოკვლევა. ილ. ხონელმა სიამოვნებით მიიღო მონდობილება და ეასაკვიფრებელი ხალისით შეუდგა გლეხთა ეკანომიური მდგომარეობის გამოკვლევას.

მისი შრომა დღესაც საუკეთესო გამო-კვლევათ ითვლება ლიტერატურაში. იმ დროის რუსეთის დიდ ჟურნალებმა და გაზე-თებმაც დიდი ქებით მოიხსენიეს ილ. ხონელის ნაშრომი. ერთი მისი გამოკვლევა „ПОДАТНОЕ ОБЛОЖЕНИЕ ВЪ ЗАКАВКАЗЬ“ ფინანსთა სამინისტრომ, გრაფ ვიტტეს დროს, სახელმწიფო ხარჯით დასტმბა პეტერბურგში, როგორც ხელსაძლევანლო ხარჯთ ამკრფე ინსპექტო-რებისთვის.

როდესაც ილ. ხონელმა ტიხეევის მონ-დობილება შეასრულა, იგი ილია ქავკაჟაძემ მიიწვია თანამშრომლათ გაზ. „ივერიაში“, რომელიც იმ დროს მან ჟურნალი გაზეთათ აქცია...

უნდა გენახათ ილ. ხონელი იმ დროს, რო-გორ აღტაცებული იყო ილ. ქავკაჟაძის მოწვე-ვით გაზ. „ივერიაში!“ „აწი ბოლო მოედებ ჩემ ხეტიალს რუსულ გაზეთების რედაქციაშიო ამბობდა იგი. დღეიდან ზემი ძალ-ღონე უნდა-შევალიო ქართულ ლიტერატურასო!!

გაზ. „ივერიაში“ დღიდან დაარსე-ბისა, ილ. ხონელი წვრდა საკვირაო ფელეტო-ნებს. ეს ხანა გაზეთ „ივერიისა“ უკეთეს ხანათ ითვლება ამ გაზეთის არსებობაში.

18

ილ. ხონელის ალტაცებას ილ. ჭავჭავაძის აღმი მალე ფთები შეეკვეცა, როდესაც ერთ-მანეთი ახლო გაიკვნეს. ილია ხონელი, როგორც თავისუფლებაში აღზდილი და ნამდვილი ღმერთი, ტლმენი, ვერ შეუტრიადა იმ მონურ ატმოსფერას, რომელიც მალე გამეფდა „ივერის“ რედაქციაში, რედაქტორის და მისი თანამშრომლების შორის. სიმართლე მოითხოვეს ვთქვათ ილია ჭავჭავაძე გძნობდა ძალას ილ. ხონელისას და ძალიან ეფერებოდა თავის თანამშრომელს.

ქართველ საზოგადოებასა და ჟურნალ-გაზეთებში ამ დროს დაიწყო გაუთავებელი დავა ივ. მაჩაბლის და ილ. ჭავჭავაძისა. იმ დროს სხვა საკითხებზე არ შეიძლება ილაშქროს და ჩვენი საზოგადო მოღვაწეებიც მოქმედების ჯინს ისეთ უბრალო და უმნიშვნელო საგანზე იკლავდნენ, როგორც არც სახანაურო ბანკის მართვა გამგეობის საქმე.

ახლა რო გაითვალისწინებ იმ ბძოლას გაკვირვებული რჩები, რაზე შეალიეს ამდენმა ნიჭიერმა მოღვაწეებმა თვისი ნაჭი, ენერჯია და მომავალიც!

იმ დროს—კი მთელი ქართველი საზოგადოება ორ მოპირდაპირე ბანაკით იყო გაყოფილი. საგანი დავისა უბრალო და უმნიშვნელო იყო და უფრო ეხებოდა მეძძოლთა კერძო ინტერესებს და მათ კეთილდღეობას, ვიდრე საზოგადო ინტერესებს. მარა მოქმედ პირთა ნიჭმა და ენერჯიამ მთელი საზოგადოება ჩაითრია ბძოლაში და ბძოლით გატაცებულით აღარ მოდიოდათ თავში ის უბრალო აზრი, რომ ორივე ბელადის ბაირაღზე ერთი და იგივე წარწერა იყო. ილ. ჭავჭავაძეს უნდოდა შეერჩინა ბანკის თავმჯდომარის სავარძელი და ივ. მაჩაბელი—კი ლაშობდა ჭავჭავაძე გადაეცა და თვით დამჯდომარეც მის ადგილზე. ვიმეორებ, საგანი ბძოლისა უმნიშვნელო და უბრალო იყო. მარა პირადმა ნიჭმა მეძძოლთა პაწია რწყილი აქლემით აქცია და ისე მოაჩვენა საზოგადოებას-ეს კერძო საქმე, თითქო საქართველოს ბედი იმაზე იყო დამოკიდებული-ილ. ჭავჭავაძე გაიმარჯვებდა, თუ ივ. მაჩაბელი. ამ ბძოლაში ილ. ხონელი ურვალე მონაწილეობას იღებდა ილ. ჭავჭავაძის წინააღმდეგ. ბძოლა ჭავჭავაძის გამარჯვებით გათავდა. მეორე მხარის ბელადმა ივ. მაჩაბელმა თავიც გადაატანა ამ ბძოლას...

ბძოლას ის მხარე მოიგებდა, ვინც მეტ ამომარჯვებებს მორეკდა ყუთებთან. ჭავჭავაძეს, როგორც თავმჯდომარეს ბანკისას, უფრო მეტი მომხრე ყავდა, ვიდრე მაჩაბელს და გამარჯვებულიც ის დარჩა.

1887 წ. ნ. ი. ნიკოლაძემ იყიდა სტეფანოვიდან ვაზ. „ნოვოე ობოზრენიე“ და უმთავრეს თანამშრომლათ და ფაქტიურ რედაქტორათაც (ნ. ნიკოლაძე სოფელში ცხოვრებდა მაშინ), ილია ხონელი მოიწვია. იმ დღიდან, თითქმის ნუმერი არ გამოსულა ამ გაზეთისა, ხონელის წერილი, ან შენიშვნა არ ყოფილიყო დაბეჭდილი. სული და გული ჩაუდგა, ახალგაზდო, ბის ძალ-ღონე შეალია, გაზეთის მოპოვებულ გავლენით ხარობდა და ამყობდა. სამართლიანიც იყო მისი ამყობა. მაშინდელი „ახალი მიმოხილვა“ ერთ საუკეთესო გაზეთათ ითვლებოდა მთელ რუსეთის პროვინციის ჟურნალისტრიაში. გაზეთი გუშაგათ და დარაჯათ ევლებოდა საქართველოს.

გაზეთის პატრონმა ნ. ი. ნიკოლაძემ ისარგებლა გაზეთის მოპოვებულ გავლენით და მაშინდელ დროისთვის დიდი ტირაჟით და ერთ შევნიერ დღეს, თანამშრომლების დაუკითხავათ, ხონის ნოტარიუსთან მიყიდა გაზეთი გ. მ. თუმანოვს და მის ძმებს. მოულოდნელი მოქმედება და არა საკადრისი საქციელი ნიკოლაძისა, ელდასავით ეცათ გაზეთის თანამშრომლებს და, განსაკუთრებით, ილია ხონელს. მან, რასაკვირველია, მაშინვე მიატოვა რედაქცია, მის მაგალითს სხვა თანამშრომლებიც მიყვენ, რათგან თუმანოვის მიმართულება, როგორც ბურჟუაზიის წარმომადგენელისა, მათ რწმენას ეწინააღმდეგებოდა. გამართლდა ილ. ხონელის მოლოდინი, თუმანოვებმა სულ უკუღმა ხნეს ბ. ნ. ნიკოლაძის და მისი თანამშრომლების წალმა დახნული და კიდევ გადაფარცხეს... ბოლოს, ბ. ნიკოც არ დაინდეს...

1891 წ. გაზეთი „კავკაზი“ გადვიდა იური მილიუტინის ხელში. მილიუტინმა საკვი-

რაო მეფელებთან ერთად ისევ ილია ხონელი იწვიო. იური მილიუტინი იყო შვილი ცნობილ ნიკოლოზ მილიუტინისა, რომელმაც პოლონეთში სამოციან წლებში საგლეხო რეფორმები მოახდინა, და, რომელიც ერთ უმთავრეს პირად ითვლებოდა რუსეთში ბატონ-ყმობის მოსპობის საქმეში.

იური მილიუტინი იყო ევროპულად განათლებული კაცი და ნამდვილი დეენტლმენი, ზედ მიწვევით მკოდნე ევროპულ ენებისა და ლიტერატურისა. ახლ-გაზღობაში იგი მსახურობდა გვარდიაში, მას მეფე ალექსანდრე III პირადათ იცნობდა. “კავკაზის” რედაქტორობა მისთვის ერთგვარი საფეხური იყო და გამოსაცდელი ნიადავი უფრო მაღალ საფეხურებზე ასასვლელათ. იგი იყო ძმის შვილი სამხედრო მინისტრის დ. მილიუტინისა. იური ნიკ. ძემ დიდი ხალისით მიყო ხელი გაზეთის რედაქტორობას. ხშირად ათავსებდა თავის გაზეთში მეთაურ წერილებს. მთელი რიგი წერილების უძღვნა მილიუტინმა იმ საკითხს, რომ საჭიროა რუსის მოხელემ იცოდეს იმ ხალხის ენა, რომლის შორისაც იგი მსახურობს და, მაგალითათ, მოიტანდა ინგლისელების მოქმედებას ინდოე-

თსა და ეგვიპტეში, სადაც ყოველი ინგლისელი მოხელე ვალდებულია იცოდეს ადგილობრივი ენა. ამ წერილებით ისარგებლეს სასახლის მისმა მტრებმა და ალექსანდრე III ს წააკითხეს. მეფეს არ იამა ასეთი აზრები იური მილიუტინისა და ცუდათაც მოიხსენია იგი. ეს ამბავი მილიუტინს აცნობეს მეგობრებმა პეტერბურგიდან.

ამ დღიდან იური მილიუტინის ბედიც გარდაწყდა. მაღალ წბეებში მიხედნ, რომ იგი მათთვის გამოსადეგი არ იყო. მილიუტინსაც გული აუცრუვდა მუშაობაზე. ამის შემდეგ, მხოლოთ თვალ ყურს ადგენებდა გაზეთს, როგორც რედაქტორი. ილ. ხონელი კარგ განწყობილებაში იყო მილიუტინთან. მარა რედაქციაში თავს თავისუფლათ ვერ გძნობდა, რათვან მილიუტინი, იმ შემთხვევის შემდეგ, ანგარიშს უწევდა პეტერბურგის მაღალ სფერებს და ფთხილათაც ეკიდებოდა გაზეთს, რომ არაფერი დაბეჭდილ იყო, რაც მოსაწონი არ იქნებოდა პეტერბურგის მაღალ წრეებში. მეორეჯელ მილიუტინს აღარ მისცეს გაზეთი.

ლ. ბანტაძე

(შემდეგი იქნება.)

გ ა ნ შ ო რ ე ბ ა .

(ვუძღვნი სანდრო გურულს)

მშვიდობით-გიტხარ, წრფელი გძნობით გამოგესალმე,
მეტს არრას ვგძნო? დი, განშორება არ განმეცადა...

შენ-კი იტოდი, ვერ მითხარი და შემობრალე,
ვერ გამიმხილე უშენობით, რა მომელოდა...

მარტო ვავშალე უცდელ ხელით ზღვათ იალქანი,
მსურდა განმეგძო მღვღელვარ შარა აღთქმის კარამდი
და მომავონდი შენ, როცა ზღვის პირველმა ტალღამ,
ზედ ამიტანა უფსკრულს გვერდზე ცის მაღლობამდი...

მე შემეშინდა ჩემი ყოფის, კმუნვით აღვივსე,
ხმა იმედისა შენგან, ძმაო, მე არ მესმოდა.

ტილო დავკეცე გამოუცდელ ხელით ნაშალი,
სანამ ჩემს ნავსა შავ უფსკრული არ აცდებოდა.

და სიცოცხლეთა დავაფასე გძნობის ამბორით.
მეგობრის სახე ბნელს სიშორემ ველარ დაფარა...

მაშინ ვიგძენი განშორება სულისა სწორის,
როცა ღვართქაფმა ტილო ნავზე გადამიფარა.

სანდრო მეგრელი.

აკაკის კარდაცვალებიდან წლის თავზე.

დიდებულ მგოსნის და სახალხო მომდერა-
ლის სულმნათ აკაკი წერეთელის გარდაცვალები-
ბიდან წლის თავზე, ჩვენ ცხრა მთას იქით ოთხ
კედელშვა მყოფნი ქართველი კატორღელები
მუხლს ვიდრეთ სულმნათ აკაკის წმიდა სახე-
ლის პატივსაცემით და სახსოვრათ, მგოსანთა
ქურუმის, აკაკის ბწყინვალე-სხივოსანი და მად-
ლიანი სახე თვალწინ გვიდგას განუშორებლათ,
ჩვენ ცხოვრების გერებს, ტყვეტუსალებს, რო-
მელმაც ნახევარ საუკუნეზე მეტი გულით ატა-
რა საკან-ტყვეტუსალობა... მისივე სიტყვებით:

შენბორკილში ხარ, ჩემო ძმობილო,
მე თავისუფლათ დავიარები!...

მარა ორივეს თანსწორათ გეტანჯავს
ნაბორკილვეი და იარები!

შენ საკანში ხარ, მე კი მაგ საკანს
გულით ვატარებ დიდი ხანია
და, ვინ დაითვლის, რაც იმისაგან
ტანჯვა, წვალება ამიტანია?!

შენ ნუ გგონია, რო საპყრობილე,
მარტო მაგ ციხის კარდახშულშია!...

საპყრობილე ის უფრო მწვევია,
რაც ჩაკირული სულს და გულშია“.

უკვდავია ის ერი, საიდანც წარმოიშობა აკაკის
მზგავსი გმირები და, ნეტავ იმ დედებს, რომე-
ლნიც წარმოიშობენ მზგავს ადამიანებს... სალა-
მი მშობელ მხარეს.

ვარშავის საკატორღო ციხის ყოფილი, ახ-
ლა-კი ნიენი-ნოვეროდის საკან-ციხეში მყოფ
ქართველ კატორღელების მონდობილობით პ.
ოხრობეთელი.

ელისაბედ ჩერქეზი- შვილის ასული.

ქართული სცენის ნიჭიერ მოღვაწეს,
ქართველ ქალს ელისაბედ ჩერქეზიშვილის
ასულს, ოცდაათი წელიწადი შეუსრულდა
მას შემდეგ, რაც იგი მოედანზე გამოსულა
და იღწვის საკვყნოთ. ამისთვის მადლიერმა

ქართველთა საზოგადოებამ ამ მდგომარე წლის,
თებერვლის პირველ დღეებში, საიუბილეო
ღღესასწაულიც გულწრფელათ გადუხადა მას
თფილისსა და ქუთაისში.

ელისაბედ ჩერქეზიშვილის ასული ერთი
ნიჭიერი და საყვარელი, ფრიად სიმპატიური
მსახიობი მანდილოსანია საქართველოში, სა-
დაც მის სახელს ყოველთვის სიყვარულით
მოიხსენებენ. იგი სასცენო ნიჭით დაჯილდო-
ებული ადამიანია, რომელსაც ცოცხალი და
მძღაერი, ნაზი გმობების გამოსახატავათ
სცენაზე პირველი ადგილიც უჭირავს და
გვერდს უშვენებს ისეთს უნიჭიერეს მსახიობ
ქალებს, როგორც იყვენ მარო საფაროვ-აბა-
შიძისა და ნატო ვაბუნი-ცავარლისა.

მიზეზიც სწორეთ ეს არი, რომ ელისა-
ბედის სახელს ქართველთა საზოგადოება სი-
ყვარულით და პატივსაცემით ეპყრობა. ამ
დიდათ მოსიყვარულე გულის პატრონს მან-
დილოსანს ამდენი ხანია უმოღვაწნია ეკლ-
ით და ნარით მოფენილ ჩვენი საშობლო
სცენის ასპარეზზე, ბევრი ტანჯვა და ვაებაც
უნახავს და აუტანია... მარა შევნიერი ქარ-
თლის შვილის მტკიცე ხასიათი ვერ შეურყე-
ვია და გამარჯვებით, ხალისით უმოღვაწ-უმუ
შავნია ყოველთვის.

ელისაბედის სასცენო ნიჭი ხელოვნებე
ლი ბუნების და ეროვნული მეჭველდობის
სულის დგმით არის აპრიადებული. ელისა
ბედის ქართულათ ჩაცმა-დახურვა, სიტყვა-ვა-
სუხი, მიმოზერა, მხიარულება და მწუხარება,
ჭირი და ლხინი ნამდვილი და ქეშმარიტი
ქართველი ადამიანისა აქვს და ეს ძვირფასი
ნათესავობა და მშობლიური კავშირი ხიბლავს
მაყურებლის გულს და ერთიანა უმორჩილებს
ამ ნიჭიერ მსახიობ-ქალს.

ალექსანდრე ჩერქეზიშვილის ასული, ღიზა
(ელისაბედს შინაურებიც და საზოგადოებაშიაც
ღიზას უწოდებენ) პატარა ღიზასის ხეობიდან
არი და დაიბადა 1863 წ. პირველ გიორგობის-
თვეს, სოფ. კოშკაში. ღიზას დედა ქვემონიქო-
ზელი, მხარგძელ-ფავლენიშვილის ქალიშვილი
იყო და კარგათ შეძლებულაააც ცხოვრობდენ
ოჯახში.

პატარა ლიზა სიკოცხლით სავსე, ცელქი, ცქრილა და ნიჭიერი გოგონა იყო. მშობლებმა იგი მიაბარეს ქ. გორში, ხრუშჩოვის ქალების რუსულ სკოლაში, სადაც ლიზა სწავლობდა სულ ოთხი წელი. ოთხთვის შემდეგ, ლიზა მშობლებმა შინ წაიყვანეს და იქ ბუნების შევნიერს და ტურფა წიაღში იშლებოდა ეს ლამაზი ყვავილი. ლიზა უაღრესათ სიკოცხლით და გრაციით სავსე ქალიშვილი შეიქნა და 15 წლის იგი მშობლებმა თვით ლიზას უნებლიეთ მიათხოვეს თ. მაჩაბელს-ბორტიშვილს, რომლის გან დარჩა შვილი, ნინო.

ეს ქმირი ლოთი გამოდგა და ლიზას აღტაცებულმა ანგელოზურმა ბუნებამ ვერაიტანა მასთან ცხოვრება. მიატოვა ქმრის ოჯახი, წამოიყვანა პვისი ქალიშვილი და მოვიდა მშობლებთან...

ლიზა ძალიან მომღმენი, სიხარულის წმინდა თაიგული შეიქნა და ყველას ყურათღებასაც იქცევდა. აღრვევ გამოიჩინა მან სხვათა განსახიერების ნიჭიც. 80—იან წლებში სოფ. მერეთში ისაია იოველის ძე ფურცელაძის თაოსნობით სცენის მოყვარეთა უფასო წარმოდგენები იმართებოდა და, აი, აქ ითამაშა პირველათ სცენაზე ლიზამ ქაბატო და სარა („ხანუმა“-ში).

პირველ გამოსვლისთანვე ლიზამ დიდი ნიჭი გამოიჩინა და ყურათღება მიიქცია გიორგი დურმიშხანის ძე ყურულისა და მისა დედის, ქეთევანისა, რომელთა რჩევითაც ახლოგაზდა ქალიშვილი თფილისის ჩავიდა, ქართული დასის რეჟისორთან, ვ. მ. თუმანიშვილთან. რეჟისორის ხელმძღვანელობით თფილისის ქართულ სცენაზე პირველათ საქვეყნოთ ლიზა გამოვიდა 1886 წ., სექტემბრის 12, „ახლანდელ სიყვარულში“ (ნატალია). ამ პირველმა გამოსვლამ გადაწყვიტა ჩვენი სახიობი-ქალის ბედიც: ამიერიდან იგი დასში მიიღეს, თვეში 40 მან. დაუნიშნეს და, ამის შემდეგ, იგი სამშობლო სცენას აღარ განშორებია.

ლიზას მეორე ქმარი იყო ჩემი დაუვიწყარი მეგობარი, მაღალ ნიჭიერი ქართველი მწე-

რალი, ნიკოთადეოზის ძე ხიზანაშვილი*), დიდათ ცნობილი ლიტერატურაში ნ. უბანულა, ხლესას, მუჩაიძის და სხვა ფსევდონიმებით. ნიკო დიდი ენტუზიაზმის, დიდი ცოცხალი ტემპერამენტის მწერალი იყო, დიდი მშრომელი კაციც, რომელსაც, რა თქმა უნდა, უდიდესი გავლენა და ზედ მოქმედება ქონდა ლიზაზე. ლიზას ქართული ლიტერატურა ქმარმა შეაყვარა და თვით გავითარების გზას დაადგა. ილია ქავეკავაძის ოჯახთან ძალიან დაახლოვებული იყო ნიკოს ოჯახი. ერთ ეზოშიაც იდგენ ერთ ხანს და ყოველ დღე ერთმანეთს ხვდებოდნენ. ლიზას გძნობა--გონების გავითარებას ეს გარემოებაც ხელს უწყობდა, რა თქმა უნდა და იმისი ტალანტი უფრო და უფრო მწიფდებოდა.

ლიზას ისე ძლიერ უყვარდა ქართული სცენა, როგორც მის ქმარს ნიკოს—ქართული ლიტერატურა. ეს ორი ადამიანი თითქმის განგებისათ ერთი მეორისთვის იყვენ გაჩენილნი.

ქართული ოჯახი და ქართული სცენა იყო ის წმიდა ტრაპეზი, სადაც ლიზა ღვდელ მოქმედობდა. ხშირათ ავთ მყოფი ქმარშვილი თვალცრემლიანს ლიზას მიუტოვებია და სცენაზე კომედია-ვოდვეილებში სიცილ-ხარხარით უთამაშნია...

1905 წელს, 15 დეკემბერს დიდი, აუწყრელი უბედურება დაატყდა თავზე ლიზას. ვიღაც ნაძირალეებმა, ზურგსუკან მიპარვით, ქუჩაში მოკლეს მუღამ პირმომღიმარე, მხნე და ალერსიანი დიდი მოღვაწე, მეცნიერი მწერალი, ნიკო ხიზანაშვილი, რომელზედაც ერთი სიტყვაც არ დაუხარჯავთ ჩვენი პარტიების ბელადებს...

ამ დროს ლიზას ცხოვრების ტრალედიას ვერ ასწერს მწერლის კალამი. მთელი ოჯახის პატრონობა და გაძლოლა მას დააწვა კისერზე: მოხუცებული დედა-თავ. მხარგძელ-ფავლენი-შვილის ასული, პირველ ქმრიდან შვილი, ნინო და ორი ვაჟი ნიკოსგან-ვახუშტი და შალვა. ამ დიადმა უბედურობამ უფრო გაასალკლდევა, გააკაჟა ლიზა და მთელი ძლიერებით გა-

*) ნიკოზე მე სალკე სტატიას ნეკნება ამ ჟურნალში დასტამებული.

მხნედა, გავაშკაცდა. ოჯახურს დიდ უბედურების სცენაზე იქარვებდა.

ლიზას ქალიშვილმა ნინომ ეპარქიალური სასწავლებლის კურსი დაასრულა, მასწავლებლის ადგილი იშოვა და დედას მცირე ოდენ დახმარებას აძლევდა. მარა 1907 წ. 11 მაისს ნინოს, რომელიც დედასთან ცხოვრობდა, სახლი გაუჩხრიკეს (ლიზა ამ დროს შინ არ იყო), ლიზას მოხუცებულ დედას ჯავრით გული გაუსკდა და გარდაიცვალა. ნინოს პოლიტიკური დანაშაული დასწამეს და შეტეხის ციხეში ჩასვეს. ვერც ამ დიდმა, უსაშინელესმა უბედურებამ გასტეხა ეს შესანიშნავი ხასიათის ადამიანი და იგი, ბოლოს, აქიდანაც გამარჯვებული გამოვიდა.

ქალიშვილი ნინო, თუმცა გაუციმბირეს, მარა ისე მოახერხა, რომ საფრანგეთში ამოყო თავი და დღეს იქა ცხოვრობს ქმრით. ვაჟი შვილებს—ვახუშტას და შალვასაც გაუძღვა და ორივე დღეს უმაღლეს სასწავლებლებში სწავლობს. ასე ხასიქადულოთ წარუძღვა ლიზა თავის ოჯახსაც, ქმარის სიყვდილს შემდეგ.

ამავე დროს, იგი ქართული სცენის განუმორებელი მუშაკიც იყო. ნატო გაბუნია-ცაგარლის გარდაცვალების შემდეგ, ქართული სცენა თითქმის დაობლდა. მარა ეს ობლობა ჩვენს სცენას ლიზამ არ შეამჩნევია. მან ნატოს მაგიერობა გაუწია ქართულ სცენას.

მრავალფეროვანია ლიზას რეპერტუარი. იმის უმთავრეს როლებათ ითვლებიან კომიკური დედამბრები, მაგალითად, ხახო „დაქვეულ ოჯახში“, სალომე „ინჯინერი და დოქტორში“, გამდელი „დავაში“, „ფეროსინე დედისერთაში“, ხანუმა, ქაბატო, სარა და კატინა „ხანუმაში“ და „რაც გინახავს, ვეღარ ნახავ“, ანფისა „ბორკილში“, გუგუშვილის მეუღლე „უნდა გავიყარნეთ“, ოსის ქალი „ქმარი ხუთი ცოლისა“, მაკრინე „დრონი მეფობენ“, ელისაბედი „ჯერ დაიხოცენ, მერე დაქორწილდენ“, კაკელი „გატრუებული იმედი“, ქვრივი ქალი „გლახა ქრიაშვილი“, კნენა ქეთო „ნიგილისტა“ ღს სხვა.

ლიზამ ქართულ მწერლობაშიაც შეიტანა თავისი წვლილი.

პირველი მისი მოთხრობა „აღდგომის წინათ“ დაისტამბა „თეატრში“, 1888 წ., № 17, შემდეგ დაისტამბა „საბრალო ნენე“ („ივ.“ 1891 წ., № 186), „სხვერპლი უბედურებისა“ („ივ.“ 1892 წ. 8, ლ. კოშკელის ვსევდონიმო), „სცენა სოფლათ“ („ივ.“ 1897 წ. № 156), „ორი სხვერპლი“ („ივ.“ 1904 წ. № 79). აქვს პუბლიცისტური ხასიათის წერილებიც „ჩიორა და ქართველი ქალები“ („ივ.“ 1894 წ. № 246), „წერილი მეგობართან პეტერბურგიდან (თეატ. და ცხ.“ 1910 წ. № 15, ჯერ დაუბეჭდავი „მგზავრის წერილები“ და სხ.

მოთხრობებში დაბალი მშრომელი ხალხია გამოყვანილი, პუბლიცისტურ წერილებში ქართველ ქალთა გადაგვარება და სამშობლო სცენის ვითარება.

ამნაირათ, ჩვენ ვხედავთ ქართველ მანდილოსანს, რომელსაც სკოლაში საფუძვლიანი სწავლა-განათლება არ მიუღია. მარა ბუნებით დაჯილდოებულ ტალანტს გზა გაუკავავს, პირადი ინაციატივით და ხასიათის გაუტეხელობით და თვითგავითარებით ისე დაწინაურებულა, რომ ქართულ სცენაზე პირველი ადგილი დაუქვრია, მშობლიურ მწერლობაშიაც შეუტანია თავისი წვლილი და შვილებიც სასახელოთ აღუზღია.

ქეშმარიტათ, ასეთი მანდილოსანი დიდი, დრმა პატივის ცემის და სიყვარულის ღირსია, რათგან იმისი ტანჯვით სავსე ცხოვრება მოზარდთაობას ასწავლის მრავალი სამწრის დაძლევის და ახალი კულტურული ცხოვრების შესაქნელათ მოუწოდებს მას.

სულით ავათმყოფობა.

სულით ავათმყოფობა სხვა და სხვანაირია და მიზეზებიც თითოეულ მათგანს ბევრი აქვს. ზოგი მიზეზი ნიადაგს უმზადებს ავათმყოფობას, ე. ი., შექნის ავათმყოფობისადმი მიდრეკილებას და ზოგიც იწვევს მას პირდაპირ ცხოვრებაში.

ამასთანვე უნდა ითქვას, რომ ამ მიზეზთა გავლენა ისეთი რთული და ზოგიერთ შემთხვევაში მალულოცაა, რომ ძლიერ ძნელია ვთქვათ: ამ და ამ მიზეზმა ნიადაგი მოამზადა და ამან-კი გამოიწვია ავთომყოფობა. ამ მიზეზებს ზოგს საზოგადო ხასიათი აქვს, სხვებს-კი, კერძო. საზოგადო ხასიათის მიზეზები არიან რასიული, კლიმატიური, სოციალური, მოქალაქობრივი, სქესობრივი და სხ. მაგ. ამ ჟამათ ებრაელები, შედარებით, მეტ რიცხვ ფსიხოპატებს და ნევროპატებს იძლევიანო, არაბები და ზანგები (ნეგრები) პროგრესიული პარალიზით (დამბლით) იშვიათად ავთომყოფობენ. ამას ხსნიან მხოლოდ რასიული მიზეზებით. კლიმატიური მიზეზების გავლენა აშკარადება-სხვათა შორის, იქიდანც, რომ ზოგ მხარეში კრეტინიზმი ძლიერ გავრცელებულია და სგვაგან-კი იშვიათი მოვლენაა. აგრეთვე ევროპიდან ცხელს ქვეყნებში გადაყვანილ გარნიზონებში თავის მკვლელობის შემთხვევები ორკეცდებიან, რასაც კლიმატიური მიზეზებით ხსნიან. საზოგადოთ, თავის მკვლელობისა და შეშლილობის შემთხვევები მატულობს გაზაფხულობით, იენისის თვეში და, შემდეგ: ზაფხულზე და შემოდგომაზე და ზამთარში იანვარსა და თებერვლამდე კლებულობს. ჩანს, წელიწადის დროსაც გავლენა ქონებია სულით-ავთომყოფობის გამოწვევაზე.

სოციალურ პირობებსაც არა ნაკლები გავლენა აქვს. მაგ. მონობაში, სადაც კაცის ინიციატივა შეზღუდულია, სულით--ავთომყოფობა იშვიათია. ხოლო პიროვნების ემანციპაციის შემდეგ, სიცოცხლისთვის ბძოლა და გამუდმებული ზრუნვა უზავთ უმზადებს ნიადაგს სულით დაავადებას ყოფილ მონათაშორისაც, ამნაირათ, ცივილიზაციას თან მოსდევს ფიზიკური და მორალური უდიერი რყევა, რასაც საშვალაზე ნაკლები გამძლეობის ნერვები დაუსჯელათ ვერ აიტანს. მაგ. ვაშკაცობაში 33-40 წლამდე, მაშაკაცისთვის ოჯახური და სოციალური მოთხოვნილებათა გართულების დროს, სულით ავთომყოფობა ძლიერ ხშირია და აგრეთვე ქალისთვის 25-35 წლამდე, როდესაც მას შეილოსნობა მძიმე ტვირთად აწევბა.

შემჩნეულია, რომ აკვეცილებ შორის სულით ავთომყოფობა, შედარებით, უფრო გავრცელებულია, ვიდრე ოჯახის მეპატრონეებში, თუმცა ამ უკანასკნელთ მეტი დიდი ჯაფა და ზნეობრივი პასუხის მგებლობაც უღვიათ თავზე. ეს გამონაკლისი აიხსნება მით, რომ ხშირათ გონებრივთ ანორმალური ადამიანები ვერ ახერხებენ ოჯახობის გაწყობას და ზოგს სრულიათაც არ აქვს ამისთვის მოთხოვნილება. ასეთი ცალმხრივობა მათ ცხოვრების სხვა სფეროებშიაც ეტყობათ.

ზოგი თავი ხელობა, როგორც მაგ. მესტამბობა, სადაც ტყვიასთან და სხ. საწამლავ ნივთიერებასთან აქვს ადამიანს საქმე, სულით-დაავადებას ხელს უწყობს. აგრეთვე რკინის გზებზე სამსახური, როგორც მძიმე საპასუხის-მგებლო, ბუნებრივ მოსვენებას მოკლებული და მუდმივ ჯანჯგალში ცხოვრება ძლიერ უწყობს ხელს სულით--ავთომყოფობის შექნას და გამოწვევას.

კერძო მიზეზები სულით დაავადებისა გამოიხატებიან პირადი მადრეკილებით სულით--ავთომყოფობისადმი, რომელიც ზოგი მემკვიდრობითია და ზოგიც საკუთრათ--პირადათ შექმნილია. მემკვიდრობითი სულიერი ზნიანობათუ საკუთარის მშობლებისგან არი გადმოცემული--პირდაპირი იქნება და, თუ პაპისგან და ბებიებისგან მომდინარობს--მაშინ იგი ატავის-ტური იქნება. ერთიცა და მეორეც, შეიძლება, უბრალო--იოლი იქნეს და, შეიძლება, ღრმათ გამჯდარიც კაცის ბუნებაში. ამ უკანასკნელ შემთხვევაში ჩამამავლობა გადაშენების გზაზე-დაა დამდგარი, რომელთაც ჩვეულებრივ დეგენერატებს უწოდებენ. მათი ნიშნობლივი თვისებანი--ფიზიკური და ფსიქიური არიან. პირველს ეკუთნიან: თავის ქალის ასიმეტრია (უსწორობა), უფრო ხშირათ სიფილისის და რახიტისგან არი გამოწვეული, მიკროტეფალია--თავის სიწვნიკე, ნაკლულოვანობა ცხვირ-პირის-არაბობა, ყურების და თვალების ელამობა, მეტი, ან ნაკლები თითები ხელ ფეხზე, აკუმობა, ე. ი., სქესობრივი ასოების სიწვნიკე და სხ... მეორეს--ფსიქოლოგიურ ნიშნებს ეკუთნიან: მეტოფიცხი მგძნობელობა და ჩაბეჭდილება, ძლიერ

მოძრავი ფანტაზია, ცალმხრივობა მოქმედებასა და აზროვნებაში და აგრეთვე გატაცებულობა ღვინით, გასართობებით, ხშირათ სქესობრივი გაღიზიანებული გძობელობით და უზნეობით.

მემკვიდრობითი დეგენერაციისგან (გადაშენებისგან) უნდა გავარჩიოთ თანშობილი დეგენერაცია, რომელიც წარმოდგება მანვე გავლენისგან ჩასახვის დროს, ან ორსულობის დროს. ასეთი არიან სხ. და სხ. საწამლავეები, გადამღები ავთიმყოფობანი, ინტენსიური (ძლიერი) სულის მღელვარებანი და სხ. ამათ შორის, ყველაზე უძლიერესი და თვალსაჩინო არიან ალკოგოლიზმი და სიფილისი. ასეთი სენით შეპყრობილ მშობლების ნაყოფს, ჩვილობის დროს, ხშირათ ემართებათ მონჯიღვა, რომელთაგან ნახევარზე მეტს ავი—ზნე ემართება, სხვებს თან ყვება იდიოტობა (უგნურობა), ზნეობრივი სიმახინჯე და სხ. თუ რა მანვე გავლენა აქვს ნაყოფისთვის ორსულ ქალზე ფიზიოლოგიურ, ფსიქიურ და სხვ. უმწეობას—ამას გვიმოქმედებს 1870—1871 წლის პარიზის მაგალათი. ამ უბედურ წლებში, დაბადებულთა შორის, სულით ავთიმყოფები ძლიერ დიდი პროცენტი აღმოჩნდა. ასეთივე ნაყოფს უნდა ველოდეთ თანამედროვე უდიერი ომისგან მეომარ ქვეყნებში.

სულით—ავთიმყოფობის გამომწვევი მიზეზები არიან ფიზიკური და ფსიქიური, რომელიც მიძინებულ შესაძლებლობას აღვიძებენ ღიწვევენ ცხოვრებაში. უმათოთ სნეულება თავს არ გამოიჩენდა. ფიზიკური მიზეზები არიან: გადამღები ავთიმყოფობანი, რომელთაც თან მოსდევს ხშირათ სულიერათ დაბეჩავება, რომელიც, ავთიმყოფობის დაგვარათ, თან და თან ძლიერდება. გადამღები ავთიმყოფობის სპორებისა და ბაცილებისგან გამომუშავებული საწამლავეი არ ჩამოუარდება თავის ძლიერებით და დიდათაც არ გასხვავდება თავის გავლენით ალკოგოლისა, კოკაინისა და სხ. ქიმიურ საწამლავეებს. მეორე მხრით, გადამღები ავთიმყოფობანი, ავთიმყოფის საზოგადო დასუსტების გამო, ხშირათ რამდენიმე კვირის და თვეების შემდეგ, თან მოსდევს ბუნდოვანება, არევა

აზრების, ან და ნაადრევი ბოდვა. ასეთი სულით—ავთიმყოფობა თან მოსდევს, როგორც ტროვმატიზმს, მოქანკულობას, სხ. და სხ. საწამლავეებს, აგრეთვე სისხლის მოწამვლას, ქარცეხლს, სახსრების ქარებს (რევმატიზმს), ქლექს, ტიფს, სუსუნატს და სხ.

ზემოხსენებულის საილიუსტრაციოთ გავისენოთ ჩვენებული ციებ-ცხელება: ვის არ უნახავს ამ ავთიმყოფობის თაკარაში ჩავდებულის ბოდვა, ან დამპალი ციებით დაუძღურებულის მბჟუტავი სულიერი და ფიზიკური დაბეჩავება.

ჩვენში ძლიერ გავრცელებული ხს. და სხ. ფორმის ქლექი იწვევს დასაწყისში მოწყენილობას, სიფიცხეს, განმარტოების სურვილს, ერთი სიტყვით, მელანქოლიას. მეორე სტადიაში პერიოდული სიცხის დროს, ავთიმყოფი ბოდვაშია და, შემდეგ, როდესაც ბაცილები და მათი გამონამუშევარი ტოქსინები ტვინის აპკს შეეხებიან, ავადმყოფი თითქმის მუდამ ბურონში და გონებრივ გამოურკვევლობაშია. ყველა დასახელებულ და ზოგს ჯერ დაუსახელებელ პირობებში ოტონიტოქსიკაციას დიდი ადგილი უჭირავს, როგორც მაგალითად, პოდაგრის, დიაბეტის, ნეფრიტის და სხ. დროს.

როგორც ზემოხსენებული სნეულებანი, აგრეთვე ყოველ-გვარი დამაუძღურებელი მიზეზები: გულის, საშვილეს, კუჭის, წულების და სხ. ავთიმყოფობანი, ორსულობა, მშობიარობა, პირველი და უკანასკნელი თვიური რიგის მოსვლა, სხვა და სხ. ნაირი ტრავმა-ყველა ესენი ხელს უწყობენ და ბევრ შემთხვევაშიაც იწვევენ სულით ავადმყოფობას. ხოლო ტვინის ბუნებრივი სიმძარე და ნაადრევათ მისი მოცვეთა სულით ავთიმყოფობათა გამომწვევი დედამოძია.

არა ნაკლები მნიშვნელობა აქვს სულით—ავთიმყოფობათა გამოწვევაში ზნეობრივ მიზეზებს: ჯავრს, შიშს, მწუხარებას და სხ. ყოველ შემთხვევაში, მექანიზმი დაახლოვებით ერთგვარია: პირველათ, ტვინის მასაზღოვებელი სისხლის შემადგენლობის გაუარესება და, მეორეთ, ტვინამდი სისხლის დენის წესიერების დარღვევა, რომელიც მუდამ ერთი ზომის არ არი.

ვიდრე სულით ავთომყოფობის ნიშნების გაცნობას შევეუდგებოდეთ, საჭიროა სქემატიურათ მაინც გავეცნოთ ნორმალურ სულიერ მოვლენათა ძირითად მხარეებს.

გარეგან ნივთიერებას და მოვლენებს გავლენა აქვთ ცოცხალ არსების გძნობათა ორგანოებზე, საიდანც ეს გავლენა — გალიზიანება ბუნებრივი აუცილებლობით მიდის ტვინის უახლოეს ცენტრამდი, ზურგის შესაფერ განყოფილებაში. აქ ორი შესაძლებლობაა: თუ ეს ცენტრი დაუყოვნებლივ — ავტომატურის სისწრაფით — პასუხს გასცემს ამ გავლენას — ეს იქნება რეფლექსი. ამ შემთხვევაში, ორგანიზმი შეგნების ნიშნებს არ იძლევა. მაგალითად, სახიფათო ადგილას მწოლარე და მძინარე ადამიანს, თუ ცხოველს თადარიგათ რომ უჩხვლიტოთ — ის გვიპასუხებს მოძრაობით და ეს მოძრაობა არ იქნება მიზან შეწყობილი. პირიქით, ხშირათ მისი დამღუპველი შეიძლება დარჩეს, რადგანც მისი მოძრაობის ინიციატივა გამომდინარობს უახლოესი ცენტრიდან — თვინიერ უმაღლესი ცენტრისა — შეუგნებელია. ეს რეფლექსი იქნება. მარა, თუ უახლოესი ცენტრიდან, ზურგის ტვინიდან გალიზიანების ამბავი ზედა ცენტრში გადავიდა, ე. ი., თავის ტვინის ქერქამდი მიადწია და ეს ორგანო საღ მდგომარეობაშია, ცხოველი ფხიზლათაა, მაშინ ამ გალიზიანებაზე რეაქცია ზედა ცენტრიდან ქვედა ცენტრში მოვა და აქიდან საპასუხო მოვლენას ადგილი ექნება. მხოლოთ ეს როდი იქნება ვარაუდი რეფლექსი, ეს იქნება მიზან-შეწყობილი მოვლენა, რომელიც მიმართული იქნება იმისკენ, როცხოველი ხიფათს ააცილოს, ამ შემთხვევაში, მოვლენას აქვს შეგნებული — ფსიქიური ხასიათი — ეს იქნება გძნობა. გძნობის ნიშნობლივ თვისებას შეადგენს ის, როც მისი გამომწვევი მიზევის მოსპობის, თუ გაშორების შემდეგ, შესაძლოა, თავის ტვინის ცენტრმა ისევ აღადგინოს ის და ცოტათ, თუ ბევრათ წინანდებურათ წარმოიდგინოს — ეს იქნება აკტი მესხიერებისა. ამნაირათ, თავის ტვინის ქერქში შექნილი გძნობა ბუნებრივათ ილტვის იმისკენ,

როც მიეწეროს მის გამომწვევ საგანს და, როდესაც ეს მოხდება ნორმალურათ — ეს იქნება სწორი წარმოდგენა ხსენებული საგნისა. ასეთი პროცესი შეიძლება მოხდეს დაუყოვნებლივ — ხან მოუთველად. მარა შეიძლება ხან — მოთვეითაც და რამდენიმეჯერ მისი გამეორება — თვით ამ წარმოდგენის სავნის შორს მყოფობის, ან არ მყოფობის დროსაც, თუ კი ამის გამომწვევი მიზეზები იქნება. ასეთ შემთხვევაში, ზოგი მზგავსებით, ზოგი ადგილის და დროის მიხედვით, ერთი წარმოდგენა — მეორეს და მესამეს და ესენი სხვებს იწვევენ და ეს შეადგენს, ე. წ., იდეათა ასოციაციას. ასოციაცია ორ ნაირია: ზედ მიყოლით — მიმდინარე, მაგალითად, დაინახეთ მეგობარი, მან გაგახსენათ მისი ოჯახის მყოფენი, ნაცნობები, სტუმრები, მეზობლები თვისი ცოლშვილით, სახლკარით და სხ.

მეორე რიგის ასოციაცია მდგომარეობს გძნობათა და წარმოდგენათა კომბინაციაში, რომელიც იძლევა აზრსა და მსჯელობას, ე. ი., ლოლიკურ დასკვნებს.

მკურნალი ს. დაღუნაშვილი.

(შემდეგი იქნება).

რედაქციისგან.

„ცხოვრების“ რედაქცია პატივისცემით მოაგონებს თავის წლიურ ხელის მომწერლებს, დააჩქარონ ფულის გამოგზავნა, როც შეიძლება მოგვეცენ გაფუძღვეთ ჟურნალის გამოცემის საქმეს.

მოგსაურობა რაჭა-ლეჩხუმში.

ზემოთ მოვიხსენეთ *), როც ბატონიშვილი არჩილის გვამი დამარხულ იქნა ქრისტიანულ წესის აუსრულებლათ და, როც კათალიკოზი

*) გაგზავლება. იხილეთ „ცხოვრება“, № I.

ეწინააღმდეგებოდა გიორგი აბაშიძის ქალის, თამარის, ლიპარტიანისთვის მითხოვებას. ეს ორი ფაქტი ღირსია ყურათღებისა იმათთვის, ვისაც ანტიერესებს საქართველოს ეკლესიის მდგომარეობა მე XVII-XVIII საუკუნეებში.

ყველას ახსოვს ის დრო, როდესაც საქართველოს ეკლესიამ მოინდომა თვისი აწმყო უზუგეშო მდგომარეობიდან თავის დაღწევა, როდესაც მან წამოაყენა თვისი ზეტოკეფალობის, აღდგენის საკითხი. ახსოვს ისიც რა ნაირათ შეხედეს ამსაკითხს მმართველი ეკლესიის წარმომადგენლებმა. თვით რუსეთის ეკლესია ამ დროს იმის ცდაში იყო, რომ თავისთვის დაებრუნებია კანონიერი წესწყობილება, რომელსაც ის მოკლებულია პეტრე დიდის დროიდან. ამისთვის საჭიროთ თვლიდენ კერძო სრულიათ რუსეთის საეკლესიო კრების მოწვევას. ეს-კი თხოულობდა მომზადებას და ამისთვის გახსნეს წინასწარი კრება, რომელშიაც მონაწილეობას იღებდენ მცოდნე პირები ისტორიკოს—კანონისტები.

აი, ამ კრებას გარდაეცა ივერიის ეკლესიის ავტოკეფალობის საკითხი, რომ გამოერკვიათ, ქონდა, თუ არა ოდესმე ივერიის ეკლესიას ავტოკეფალობა და, თუ ქონდა, მაშასადამე, აქვს მას უფლება ამის მოთხოვნისა, რა სახით და საშვალობით უნდა გახორციელდეს იგი.

როგორც მოხლოდნელი იყო, ამ სამართლიან მოთხოვნას წინასწარ კრების წევრებმა მტრულის თვალით შეხედეს. მათ უნდოდათ დაემტკიცებიათ, რომ საქართველოს ეკლესიას არას დროს არ ქონია თავისუფლება. მარა, როდესაც ამის დამტკიცება ვერ მოახერხეს, თვით ივერიის ავტოკეფალური ეკლესია დასვეს ბრალდებულთა სკამზე. მათის აზრით, ის მე XVII-XVIII საუკუნეების განმავლობაში მამადიანთა ბატონობის გამო, უკიდურეს მდგომარეობაში იყო ჩავარდნილი, საეკლესიო საქმეები საქართველოში რუსეთის იქ დამკვიდრების დროს, ნამეტან არეულ-დარეული იყო. განათლება იმდენათ იყო დაცემული საღვდლოებაში, რომ ღვდლებმა წერა-კითხვა არც-კი იცოდენ¹⁾. ხალხს ვერ

მოძღვრიდენ და ამისთვის სარწმუნოება და ზნეობა ხალხში უკიდურესათ დაცემული იყო²⁾,

2) ხალხის განათლებით იმ დროს რუსეთი მეტათ ჩამოკვეთებული იყო. თუ მე XIX საუკ. დასაწყისში სწავლა—სოდნის გავრცელება საშიშარ აქმეთ მიანათ, რა უნდა ითქვას წინა საუკუნეებზე. კასის კვლა, ეკლესიების ცარსვა, კვრებლობა, ქრისტიანული წესების აუსრულებლობა, წირვა—ლოსვის დროს ეკლესიაში უდიერი საქციელი, ლაყბობა და ვინება ხშირი მოვლინება იყო (ღვდ. პოპოვი. მოხს. თხზ. გვ. 169 და 192). ხალხი ზნეობრივათ დაცემული იყო. არ ესმოდა ის სარწმუნოება, რომელსაც აღიარებდა. ვისკ. ათანასე როსტოველის თქმით, „იქაც (როსტოვის ეპარქიაში), როგორც მთელ რუსეთის იმპერიაში, გლეხის შვილები იზდებოდენ არ მსოდნენი არც ლოსვებისა და არც იმ სარწმუნოებისა, რომელსაც აღიარებდენ. იშვიათს გლეხს აქვს ნამდელი წარმოდგენა ღმერთზე. უწესო საქმეები სოდვათ არ მიანჩიათ (იქ. 469—170). აღფრედ რამბო თავის რუსეთის ისტორიაში, მოსკოვის პერიოდის აღწერის დროს, მოგვითხრობს, რომ რუსი—გლეხი თავის მართლმადიდებლობის ქერქ ქვეშ უწინდებურათ წარმართი იყო (ზოსიმოვსკი. *Есть ли у русских религия* ნაწ. II, გვ. 155). „მე მახსოვს, ამბობს პოსოშკოვი, რომელიც თვით გლეხთაგანი იყო,—„მე მახსოვს, მოსკოვში ერთმა მესესდმა ხალხისამ, თუ ისიც, რა არი ქრისტიანობრივი სარწმუნოება, ან, ვინ არის ღმერთი; რა არის მისი ნება, როგორ უნდა აღასრულოს იგი, რო-

უკუნეების განმავლობაში იმ ეკლესიისა, რომლის წარმომადგენლნი ჩენი ეკლესიის მდგომარეობას დასახელებულ საუკუნეებში ასე უკიდურესათ დაცემულათ თვლიდენ, ეკლესიურ წეს-წყობილებას გმობდენ და ამით უნდოდათ გაემართლებიათ ანტიკანონიური აქტი ივერიის ეკლესიის ავტოკეფალობის მოსპობისა.

მე ХАII-XVIII საუკ. საღვდლოება რუსეთში მეტათ გაუნათლებელი იყო. ბევრმა წერა-კითხვა არც-კი იცოდა. როდესაც მე XVIII საუკ. აღსარებით სიების წერა შემოიღეს და ეს დააკისრეს საღვდლოებას, ღვდლები ძალიან უხერხულ მდგომარეობაში ჩავარდენ. ეკლესიები დაცალიერდენ, წირვა-ლოსვა შეწყდა, რათგან ღვდლები, რომელთაც ვერ შეძლეს აღსარებით სიების წერა, დატუსადებულ იქნენ, ღვდ. პოპოვი *Арсеvий Мацiевичь и его дiло* 1912 წ. პეტრ. გვ. 120). „არ ვიცი, ვინ უფრო საჭიროებს სწავლას, ერი, თუ საღვდლოება, ამბობდა დიმიტრი როსტოველი: „მთესველი, თუ ის ნიადაგი, რომელზედაც ითესება, რათგანც ერთნაირათ გაუნათლებელია ერთიც და მეორეც,—ორივე მხრით ცუდათ არი საქმე: ღვდლები რეგვენნი და უპკუონი არიან, ხოლო ხალხი-კი უგუ-

1) Журналы II отдiла Высочайше учрежденнаго преосборнаго присутствiя т. II, отдiль II, გვ. 158, 198, 201 და სხ. გავითვალისწინათ. სხოლებში მიანს მდგომარეობა მე ХАII-XVIII სა-

გორ უნდა ილოცოს, როგორ უნდა თაყვანისცეს ღმრის მშობელს, ანგლოზებს, წმიდანებს და ხატებს“ (დეკ. მარკოვი. *Чѣмъ объяснить отношеніе ко св. прав. церкви формальное однихъ ея членовъ и равнодушное другихъ. Публич. чтеніе* მოსკოვი 199 წ. გვ. 2). საიდუმლო აღსარებას და ზიარებას ძალიან იშვიათად ასრულებდენ, რათგან არ იცოდნენ მათი მნიშვნელობა. გერბეშტიინი ამბობს, რომ დაბალი ხალხი თავის თავს ვალდებულათ არ თვლიდა აესრულებია ეს ქრისტიანული მოვალეობა, რათგან, მათის აზრით, ეს შეფეროდა მხოლოდ მაღალ წოდების და ხარისხის კაცებს. დიმიტრი როსტოველის თქმით, არა მარტო დაბალი ხალხი იყოამაირი დაუდევარი ქრისტიანობრივი მოვალეობის აღსრულებაში, არამედ თვით ღვდლების სოლშვილიც. როდესაც ღვდლების შვილებს ნიშნავდენ მამების ადგილზე ღვდლებათ, მათ ჩვეულებრივათ, ეკითხებოდენ, ზიარებულან, თუ არა და ხშირათ მათგან იღებდენ პასუხს, რომ მათ არ ახსოვთ, რომ ოდესმე აესრულებიათ ეს მოვალეობა. პოსოშკოვი ამბობს, რომ თვით მოსკოვში ბევრი იყო იმისთანა, რომელსაც მიუღწევია 60 წლამდე და არ ზიარებულა. ამასვე ამტკიცებენ მრგვალნი სხვანიც (პროფ. სოკოლოვი. *древне-рус. духовникъ*—195-200 და 236). 1722 წ. პორუჩიკი კოპტელოვმა გამოძიებით გამოარკვია, რომ მარტო სტარაია რუსაში (ნოვგოროდის გუბერნია) რიცხვი არ ზიარებულთა, რომელნიც თვით ღვდლებს დაუფარავთ, ყოფილა—2904 კაცი (ib. 237). ამას მიუმატეთ ისინიც, ვინც არ ზიარებულან, მარა, რომელთ დაფარვა ღვდლებს, ან არ ნდომებიათ და, ან ვერ მოუხერხებიათ,—მიი-

ლისხმო“ (დიმიტრი როსტოველის თხზულებანი მოსკოვი 1857 წ. ტ. II, გვ. 576). გაუნათლებლობას თან ერთოდა უკიდურესობამდე გავრცელებული სიმთვრალე და ზნე დაცემულება. დეველური *de (Belsuor)* მეთვრამეტე საუკუნის სამოსიან წლებებში ამბობდა: რუსეთის საღვდლოება „თითქმის თლად გაუნათლებელია, ყველანი სიმთვრალეს მისდევენ და თითქმის არა აქვთ გძნობა პატიოსნებისა“ (ბილბასოვი. *Исторія Им. Екатерины II*, ტ. XII, 217 და ღვ. პოპოვი. მოხს. თხზ. გვ. 61). ამაირათვე ახასიათებს საღვდლოებას პოსოშკოვი. ის მოგვითხრობს, რომ მის დროს (XVIII საუკ. პირველი ნახევარი) საღვდლოების წარმომადგენელნი ყველანი გაუნათლებელნი და ლოთები იყვენ (ღვ. პოპოვი. სხენ. თხზ. 144). დიმიტრი როსტოველის, ტიხონი ვორონეჟელის თქმით, მათ დროს ღვდლათ მიდიოდენ არა იმისთვის, რომ ხალხის ინტერესებისთვის ემსახურნათ, არამედ ლუკმა პურისთვის (Ibid. 146). მიტროპ. არსენი ბაჩნებას სემს, ილუმინობის კანდიდატი გამოსცადონ, ისინი, თუ არა წიგნის კითხვა და სიმბოლო სარწმუნოებისა (Ibid. 194).

ღმრ მხედველობაში ისიც, რომ მაშინ სტარაია რუსაში მსხორებთა რიცხვი მეტიც არ იქნებოდა, და დარწმუნდებით, რომ ამ მოვალეობის აღმსრულებელნი, ან სულ არ ყოფილან ამ ქალაქში და ან, თუ იყვენ, მათი რიცხვი უნდა ყოფილიყო ძალიანი მსირე.

ვინ იყო ყველა იმის მიზეზი, თუ არა საღვდლოება, მისი უმწეო და უუფლებო მდგომარეობა,— მისი გაუნათლებლობა? რა შეეძლო იმ საღვდლოებას, რომელსაც თვისი სოლშვილიც ვერ დაურეგებია? დიმიტრი როსტოველი ამაირი სამართლიანი გულის წყრომით მიმართავს საღვდლოებას: „ოჰ! დაუდევრონო თავის სახლეულთათვის, მოძღვარო! როგორ შეუძლიათ მართონ წმ. ეკლესია იმათ, რომელთაც არ ძალუძთ თავიანთი შინაურები დაარეგონ და მიიყვანონ იმ ღვდლი, რომ მოვალეთ ჩათვალონ თავინთი თავი მიიღონ წმ. ზიარება“ (16, 197). მარხვის შენახვა იმნიერდებოდა—კი, როგორცაა 29 აგვისტო და, ან 14 სექტემბერი, იშვიათი მოვლინება იყო (მღვ. პოპოვი. მოხს. თხზ. 191). მრეველები ძალიან მსირე რიცხვგანი იყვენ. ძალიან ხშირათ თითო სამრევლოს შეადგენდა 15 კაცი, იყო იმისთანა მრეველიც, რომელიც შედგებოდა 5 კაცისგან. მიუხედავთ ამისა, იშვიათი იყო სამრევლო, რომელშიაც მსახურებდა მხოლოდ ერთი ღვდელი. 15 კომლიან მრეველში ინიშნებოდა ორი ღვდელი. დიდ მრეველში (33 და 400 კომლამდე) ღვდლების რიცხვი ადიოდა 15—დი. ამას გარდა, აუარებელი იყო რიცხვი უადგილო ღვდლები-საც (პროფ. სმირონოვი. მოხს. თხზ. 34). მიუხედავთ ამისა. არა იშვიათი იყო შემთხვევა, როდესაც დაბალი ხალხი თვით სდილობა და უღვდლოთ შეესრულებია ზოგიერთი ღვდელთმოქმედება, მაგ. წყლის კურთხევა (ibid. 178). საღვდლოებას ხალხზე არავითარი გავლენა არ ქონდა. ხშირი იყო ხალხში მონასტრების ტ, საზოგადოთ, სასულიერო წოდების წინააღმდეგ ამბო-

მთავრობა იძულებული ხდებოდა გამოეცა ბძანება ესწავლებიათ სასინოდო უწყების ღვდელთ მონაზონთათვის საყოველღვეო უბრალო და მოკლე ლოცვები (ibid. 379). ამის შემდეგ, გასაკვირიც არ უნდა იყოს, რომ მაშინდელი სამღვდლოება წინააღმდეგი იყო ხალხის განათლების პროფ. სმირონოვი. *древне-русскій духовникъ* (მოხვ. 1913 წ. გვ. 240). რეკლამენტი იძულებულია იზრუნოს იმაზე, რომ საღვდლოებამ ღვდელთმოქმედების დროს, სიმთვრალის გამო, არ დაარდვიოს წესრიგი ეკლესიაში, რათგან მთვრალი ღვდლები წირვის შესრულებას არ ერიდებოდენ. აგრეთვე თვალ-ყური უნდა ედევნებიათ, რომ ღვდლები საჯაროთ კრივში (*Кудачный бой*) არ გამოდიოდენ, დუქნებში არ ექვიფნათ და მთვრალნი ქუჩაზე არ გდებულყვენ (ღვ. პოპოვი. იქვე 194-195 და ზნამენსკი. *Руководство курс. церковной исторіи Казань* 1888 გვ. 118).

მეფეები საეკლესიო საქმეებში ერეოდნენ, საღვდლოების და ხალხის დაუკითხავათ ნიშნავდნენ ეპისკოპოსს—კათალიკოზებს³⁾; ეკლესია

3) რუსეთის ეკლესიის მდგომარეობა იმ ხანებში აუტანელი იყო. შეიძლება ვთქვათ, რომ ეკლესია, როგორც დამოუკიდებელი ინსტიტუტი, გაუქმებულ იქნა, ეკლესიურ საქმეების მართვა საერო მთავრობის ხელში იყო გადასული. საქმე იქამდე მივიდა, რომ საღვდლო-მსახურო წიგნების ბეჭდვას—კი არ შეეძლო სინოდს კაბინეტ—მინისტრის ნება დაურთველათ. თვით დაბეჭდილი წიგნებიც ისე უნდა შეესწორებინათ, როგორც ამას მოისურვებდა საერო მთავრობა (ღვ. პოპოვი, ხსენ. თხ. გვ. 47-48). ეპისკოპოსების დევნა, მათი დასჯა, დამსირება, ღირაების ახლა და ციხებში გადასახლება ჩვეულებრივი მოვლინება იყო. ამისანა ბედი ეწვია ბევრ ღვდლომთავრებს (მიტრონოლიტინი: ეგნატე სმოლა, არსენი მაკიევიჩი— არქიეპისკოპოსნი: გიორგი დაშკოვი თეოფილაქტე, აარონი, თეოდოსი და სხ. *C* *ibid.* გვ. 48 54, 502, 521, 591, და სხ.) საღვდლოების წარმომადგენლებს, განურჩევლათ ხარისხისა, საზარათ ტანჯავდნენ,—არა თუ ყოველნაირ წამებას აყენებდნენ (გაწკებლვა(корн), გამათრახება და სხ. *ibid.* 52, 129, 157, 197-198 და 201), არამედ საჯარო, ანძახვლად ააგებდნენ (*ibid.* 48). საღვდლოების დაბალ წევრების უფლებებობაზე ამის შემდეგ, მგონი, საჭირო არ უნდა იყოს სიტყვის გაგებება. ვისაც ნებას ამაზე სწობებენ, შეუძლია მიმართოს პროფ. სმირონოვის და ლეპოპოვის ზემოხსენებული თხუთულებებს.

ეს ის დრო იყო, როდესაც ეპისკოპოსები ვალდებული გახადეს გაეჩინათ ცხენის ჯოგები. თვისი ხარჯით შეენახათ და მოთხოვნილებისამებ დრაგუნის პოლკებისთვის გაწოთვინილი ცხენები ეძლიათ (ღვ. პოპოვი *ibid.* თხ. 42). მონასტრები სასე იყო ჯარის კაცებით, შეშლილებით, დასჯილები და ტყვე თურქთათრებითაც კი (*ibid.* *em.*). ყველა ესენი მონასტრში არას აყვებდნენ. მათგან ბერ-მოლაზნეები იმდენათ შეწუხებული იყვნენ, რომ იძულებული ხდებოდნენ მიე-

ხება. არა თუ არ აძლევდნენ სასულიერო მთავრობას სამამულო გარდასახადებს, არამედ სეცხლითაც ანადგურებდნენ ეკლესია—მონასტრების ქონებას (ღვ. პოპოვი. მოხს. თხ. 219). არას ვიტყვი ხალხის სარწმუნოების ფარისევლურ ხასიათზე, გარეგან კეთილმორწმუნობაზე (ვოლუბინსკი. *O реформѣ въ нынѣ русской церкви.* (მოხს. 1913 წ.) გვ. 14), წვალებლობა—ურჯუკობა (изверство) და მათი დევნულებზე და მრავალ სხვაზე, რითაც მდიდარია რუსეთის მე XVII—XVIII საუკუნეების საეკლესიო ისტორია.

სია და საღვდლოება აუტანელ გადასახადების გამო, დიდათ შევიწროებულნი იყვნენ, ხალხიც იმნაირ მდგომარეობაში იყო, რომ მას არ შეეძლო ეკლესია სიღარიბიდან დაეხსნა.⁴⁾

4. საეკლესიო მამულები რუსეთში დატვირთული იყო სახელმწიფო გადასახადებით. მაშინდელი სასულიერო მთავრობის ომნებას შეადგენდა, რომ საეკლესიო მამულებისთვის დაედნათ იმდენი გადასახადი, რამდენსაც ახდევინებდნენ საერო მემამულეებს. მარა საქმით-კი ეკლესია-მონასტრებიდან მიქნდათ მთელი შემოსავალი, ხოლო მემამულეებს-კი ათავისუფლებდნენ (*ibid.* 117). მე XVIII საუკ. მეორე ნახევარში ეკლესიის მატერიალური მდგომარეობა აუტანელი იყო. ადგილ-მამულები საერო უწყების გამგეობაში გადადიდნენ. ვანაგებდნენ აფიარები, რომელთაც ასწერეს ყველაფერი, როგორც უძრავი, ისე მოძრავი ქონება. რაც მოეწონებოდათ: საეკლესიო სამკაული ძვირფასი ნივთები, მოძიკი პური, თივა, თთხფეხი საქონელი და სხ. განურჩევლათ მიქნდათ და მიგრეკებოდნენ (*ibid.* 270, 254, 255 და 458). ამნაირი ძალდატანება და უსამართლობა მამალიანებშია არ არისო, ამბობდა მიტროპ. ასენი მაკიევიჩი (*ibid.* 505)— გარეგანი მიზანი მამულების ჩამორთმევისა იყო, ვითომ მათი კარგათ მოვლა, რომ შემოსავალი საღვდლოების მდგომარეობის გაუმჯობესობას მოხმარებოდა. მარა შემოსულ ფულებს სულ სხვა საჭიროებისთვის ხმარობდნენ: მაგ. არყის ქარხნების გამართვა, გაღარიბებულ თავადების ფეხზე წამოყენება, სასახლეში მყოფ მასწავრების და ჯუჯა კაცების შენახვა და სხ. (*ib.* 9553). სახელმწიფო გარდასახადების გარდა, საღვდლოება იხდიდა გადასახადს ღვდლომთავრების სასარგებლოთაც (*ib.* 145 და 281) და ეს გადასახადები იმდენათ დიდი და საგნობელი იყო, რომ საღვდლოება მატერი-

ტობით მონასტერი, რათგან გინება, სემა-ტყევა და აურ-ზაური საღდათთაგან მათ ვერ აეტანათ (*ibid.* 59). ზოგჯერ ეპისკოპოსების სახლები დათვით ეკლესიებიც სასე იყო ამნაირი მდგომარეობით *ibid.* 77). უსაქმობის გამო, მთვარლობას მისდევდნენ და მონასტრებში შექონდათ დემორალიზაცია, რის გამოც ბერული ცხოვრება უკიდურესათ დაეცა (*ibid.* 128). მონასტრების შენობები, რაც საღდათებს გადაურჩებოდა, გადაქცეული იყო სახელმწიფო საჯინიბოვბათ, რომელთაც შენახვა დაკისრებული ქონდა სასულიერო წოდებას (*ibid.*). “შენ ქრისტეს ეკლესიის მწყემსი ხარ, დასინვით ეუბნებოდნენ ღვდლოთ მთავრებს,—იყვენ საჯინიბოთ გამგეთაც, სხვა სასულიერო პირები-ცხენების მომვლელებათ და, ქრისტეს სხოვართა მაგიერ, წყევსე კაკი ცხენები” (*ibid.* 116).

საეკლესიო კრებები იმ ხანებში თითქმის არ ყოფილა, რო მათის საშვალეობით შესაძლო ყოფილიყო საეკლესიო საქმეების მოწესრიგება⁵). ერთი სიტყვით, იმ დროს საქართველოს ეკლესია, მათი თქმით, ემსგავსებოდა იმ კაცს, რომელსაც „ავაზაკნი დაესხნეს, განსძარცვეს იგი, დაჭსწყლეს, და წარიდეს, და დაუტევეს მწყდარი“ (ლუკა 10, 30). დიდ ხანს არ აღმოჩნდა კაცი, რომ მისთვის ეპატრონა, შეეხვია წყლული... მხოლოდ მეცხრამეტე საუკუნის დასაწყისში რუსეთმა ნახა საქართველო და მისი ეკლესია ამ მდგომარებაში და, ვითარცა მოწყალე სამართლებმა, უპატრონა მას, განკურნა ყველა წყლულები. ახლა-კი საქართველოს ეკლესია უმადურობას იჩენს, აქვს სურვილი გამოეყოს თავის კეთილის მყოფელ მმართველ ეკლესიასა.

ამბერი.

(შემდეგი იქნება).

ბ.) იხ. Дѣянія II Отдѣла Предсоб. Присутствія Г. III. აღსანიშნავია ის ფაქტი, რომ ამ ბრალდების წამოყენება ეკუთნის წარმომადგენელს იმ ეკლესიისას, რომელშიაც ორასი წლის მანძილობაში არ ყოფილა არც ერთი საეკლესიო კრება. - რომელშიაც, ისტორიკოსი გოლუბონსკის თქმით, კრებითი მართვა და კრებათა მოწვევის შესახებ საეკლ. კანონები არასდროს არ ყოფილა რიგიანათ შესრულებული (ე. გოლუბინსკი. მოხს. თხზ. გვ. 87).

ალურათ უკიდურესი მდგომარეობამდის იყო მისული. ღვდლები, არქივ. გიორგის თქმით, მათხოვრებზე უარესები იყვენ (ib. 146. 147). ყველა ამის გამო, ეპისკოპოსთა კათედრები ვალებით იყვენ დატვირთული, უკიდურეს სიღარიბის გამო, ხშირათ ღვდელთმთავარნი მოწყალეების თხოვასაც არ უკადრისობდნენ (ibid. 270) რასაკვირველია, საღვდლოებას ხალხშიაც პატივი ექნებოდა აყრილი (ibid. 146. და პრაფ. სმირნოვი. მოხს. თხზ. 181), რათგანც ხალხს ამის მაგალითს აძლევდა თვით მთავრობა (ღვ. პოპოვი. მხს. თხზ. 154-156). მემამულეები ღვდლის ხარისხს არაფრათ აგდებდნენ, თავის ნებით ასამართლებდნენ და სჯიდნენ ღვდლებს. იყო შემთხვევა, და არა ერთი, როდესაც ნამეტანი მ თგან სემისგან ღვდლები სიმოსილეს გამოასალმებთან (ib. 151). ღვდელს შინ მიღების ღირსადაც რ თვლიდენ. იყო მაგალითი, როდესაც ბწყინვალე შო-

საისტორიო ცნობა.

აზრუმის ალება ყველას სალაპარაკოდ ვაჰხდომია. მცირე აზიაში ერთად - ერთი სიმაგრე იყო. იქიდან საფრხე აღარსად არის. განსაკუთრებით ტრაპიზონისკენ გზა გაშლილია.

აზრუმიც, ტრაპიზონიც ქართველისთვის ღირს - სახსოვარი უნდა იყოს. პირველს ძველად ერქვა კანხუ ქალაქი, ხოლო მეორეს ქალდე. აზრუმის ვილაეთში მთელი ბახიანას ხეობა ეთნოგრაფიული საქართველოს ნაწილია. გასული საუკუნის სამოცდაათიან წლებში ილია ქაგქავაძის დის, ქვირის ელისაბედ საგინაშვილის მოურავი, აწ განსვენებული ჩიკოიძე მოგზაურობდა აზრუმისკენ და გზაში, ბახიანის ხეობაში, გავლის დროს შეჰხვედრია მაჰმადიანებს, რომელნიც ქართულს ლაპარაკობდნენ. ჩიკოიძეს გამოუკითხავს ვინაობა და სადაურობა. მათ უპასუხნიათ, ჩვენ არსაიდან არა ვართ მოსულნი, ათადან ბაბადან აქაურები ვართო. ეს ამბავი გადმომცა თვით განსვენებულმა ჩიკოიძემ. ბახიანას ხეობა სწორეთ ის აღგილია, სადაც თამარ მეფემ ნუქარდინ სულთანზე გაიმარჯვა და რუსებს შარშან და წელს (ჰასანკალა და სხვა ადგილებში) არა ერთხელ უფრენიათ თურქები. აზრუმში, მეთვრამეტე საუკუნეში, ვახუშტი ბატონიშვილის თქმით, ჯერ კიდევ იჯდა ქართველი ეპისკოპოსი, აზრუმელად წოდებული.

ტრაპიზონის ვილაიეთი ბუნებრივი გაგრძელება ეთნოგრაფიული საქართველოსი. დიდი სამსახური გაუწევიათ მის მკვიდრთ ძველად

ბის ღღეს ქრისტიანულ წესის ასასრულებლათ მოსულ ღვდელს მემამულემ ღვდელმოქმედება შესრულებია ბოსელში (ib. 202). ეპისკოპოსს ამ დროს რუსეთში არ ირჩეოდნენ, არამედ პირდაპირ უმადლესი მთავრობა ნიშნავდა (ib. 322-323), როგორც ამას შემდეგშიაც ვხვდავთ.

აი, ამნაირი ეკლესიის წარმომადგენელი კიცხავდნენ იბერიის ეკლესიის წეს-რიგს, მის მდგომარეობას საქართველოს რუსეთთან შეერთების წინა ხანებში და, განა არ უნდა გვეთქვა: "მოდღარ, ვანიკურნე თავი შენიო"?!

საქართველოსთვის. თემობით მეგრელები (ქანები) და სარწმუნოებით დღეს მაჰმადიანები ძველად მართლ—მადიდებლები იყვნენ და მოძმე ქართველთა შორის ქრისტიანობის ქადაგებას და, შემდეგ, გამტკიცებას დიდი ღვაწლი დასდევს. წმიდა ნინო ქანეთის ქვეყნელი (კაბადოკიელი) იყო. იქიდანვე იყვნენ ცამეტნი სირიელნი მამანი, რომელნიც, ვახტანგ გორგასლანის სიკვდილის შემდეგ, სიმონ მესვეტის ჩაგონებით მოვიდნენ ქართლში ქრისტიანობის განსამტკიცებლად, ცეცხლის თაყვანისმცემელთა წინააღმდეგ. როგორც მათ, ისე დანარჩენ ქანებს ბერძნები ეძახდნენ თეორ სირიელებს (გლავკო სირიოი). გასარჩევად იმ სირიელებში, ანუ ქალდეველებში, რომელნიც მესობოტაპიის მკვიდრადვე დარჩნენ. ქალდეველი და ქართველი ერთი და იგივე სიტყვაა. თამარ მეფემ ქანეთი წაართვა ლათინებს, დააარა ცალკე სახელმწიფო, რომელიც დაუმკვიდრა თავის ნათესავს ბერძენთ კეისართა შთამომავალს კომნენსა. *) მაგრამ ბოლოს კონსტანტინეპოლთან ერთად თურქთა საბრძანებელი შეიქნა, ზოლო მკვიდრთ აღიარეს ისლამი. ბერძნის ტრაპიზონელ ეპისკოპოსს დღესაც ქალდეველი ეწოდება. ტრაპიზონში, როგორც ვიცით, მარხია ბერძნის ეკლესიის გალავანში იმერეთის უკანასკნელი მეფე სოლომონ მეორე, რომელმაც რუსთა ტყვეობას თავი დაახწია.

1783 წ. ერეკლე მეორისა და რუსთა ხელმწიფის ეკატერინე მეორის შორის დადებულის პირობით, რუსის მთავრობა მოვალედ აღიარებდა თავის თავს საქართველოსთვის დაებრუნებინა ის მიწა წყალი, რომელიც საქართველოს ბუნებრივი ნაწილი იყო და ოსმალეთის საუფლებელს შეადგენდა.

პეტრე მირიანაშვილი.

სახელმწიფო ღუმბა.

9 თებერვალს, დილის 2 საათზე პეტროგრადში სახელმწიფო ღუმბა შეიკრიბა და კრების გახსნას დაესწრო თვით ხელმწიფე იმპერატორი და დიდი მთავარი მიხეილ ალექსანდრეს ძე.

*) საიდან ნათესავებლად თამარ მეფე კომნენებს, დიდათ საქირია „ქართ. ცხ.“ ეს თქმა აიხსნას.

რედ.

ხელმწიფის წაბძანების შემდეგ, დეპუტატებს სიტყვა უთხრა სახ. ღუმის თავმჯდომარე, რე როძიანკომ, რომელმაც თვისი სიტყვა ასე დაასრულა: ისმინეთ, ვინც ჩვენთან ხართ! ხალხის გადაწყვეტილება შეურყეველია: ნუ მოკლეთ ზაგს, ჩვენ ვიბძოლებთ შეუბრალებლათ და ბოლომდის!

შემდეგ სიტყვას ამბობს მინისტრთა საბჭოს „ახალი“ თავმჯდომარე შტიურმერი. იი, რას ამბობს, ახალი“ პრემიერის დეკლარაცია: „ომმა იფეთქა მაშინ, როცა რუსეთი შინაური ცხოვრების გარდაქნას შეუდგა, რაიცა მთავრობისგან განსაკუთრებულ სიფთხილეს ითხოვდა...“

...მომავალი ძლიერ და მხნე რუსეთს გვიქადის. მარა აქითკენ იმ გზებს მივყავართ, რომელნიც ითხოვენ წინდახედულ მოაპრობას. საზოგადოებრივი აზრი მთავრობის წინაშე დიდ უსამართლობას გამოიჩინდა, თუ მას ამ წინდახედულობისთვის საყვედურს გამოუცხადებდა. პირიქით, მთავრობა დანაშაულს ჩაიდენდა, უკეთუ ის აჩქარებით და ნაუცფათევით იმოქმედებდა და ეს იმდროს, როცა პირველ ყოვლისა საჭიროა დაკვირვება და საგნის შესწავლა. შინაურმა საკითხებმა თვისი ადგილი უნდა დაუთმოს ომით გამოწვეულ საჭიროებას...“

დღეს შინაური პოლიტიკური ცხოვრების გარდაქნის დიდი საჭიროებაა წამოყენებული, სახელმწიფო ღუმის დეპუტატებიც ამაზე ფიქრობენ და ბჭობენ და „ახალი“ პრემიერის დეკლარაციაც მის ვარშემო ტრიალებს და მთელი ჩვენი ძალა ჩვენს გამარჯვებას უნდა შევწიროთო. რეფორმები—კი მერე... საერთაშორისო ომის დამთავრების შემდეგ...“

ამ რიგათ, პრემიერი შტიურმერი პროგრესიული ბლოკის წინააღმდეგ ილაშქრებს. იგი ისევ ძველ პოლიტიკის გაძლოლას აპირობს და შინაურ რეფორმებზე ფიქრი ფუჭი ოცნებაა „“

ასეთი სიტყვები ჩვენთვის არ ახალია, ძველია.

რუსეთიც, რათქმაუნდა, „გაყუმდება“, სანამ „მალლიდან“ რასმე არ უწყალობებენ.

რედაქტორ-გამომცემელი რომანოზ ფანცხაშა.

ნებადართულია სამხედრო ცენზურისაგან. სტამბა „ძმობა“, ქარვასლის ქ., სახლი ჩორეკოვისა.

ამიერიდან ქ. ქუთაისში გამოდის ახალი გაზეთი

„ს ა მ უ რ ზ ლ ო“

გაზეთის ფასი: წლიურათ 8 მ., ნახევარი წლით 5 მ., თვიურათ 4 აბ. ცალკე ნუმერი ერთი შაური, დამატებიანი — 7 კ.

ესევე გაზეთი დაურიგდებათ „იმერეთის“ ხელის მომწერლებს.

გთხოვთ წერილები და ფული გზავნოთ შემდეგის ადრესით: ქუთაისი, რედაქციი „სამშობლო“, თფილისის ქუჩა, სახლი პ. ი. გოკიელისა.

გაზეთს ყოველ კვირა ექნება ნახატებიანი დამატება, დამატების გამოცემა დამოკიდებულია თანამგზავობთა რიცხვის გამრავლებაზე.

ვთხოვთ ომში დაქრილთა და მოკლულთა ნათესავ-მეგობრებს მოგვაწოდონ მათი პორტრეტები.

ვთხოვთ აგრეთვე ადგილობრივ დაწესებულებას და საზოგადო მოღვაწეებს გვიგზავნონ პორტრეტები.

მოწვეულნი არიან ცნობილნი და საუკეთესო მწერალ-თანამშრომელნი. მათი სია ამ დღეებში გამოქვეყნდება.

რედაქტორი ი. თ. წანტაძე.